

溫州府圖書館

温州府 府 印 文 印

卷之二

七

安縣志卷九上

藝文

漢設蘭臺掌圖書是時劉向校經傳諸子詩賦

任宏校兵書尹咸校術數厥後劉歆條其篇目作為

七略此史家藝文志所由昉也瑞邑先正多著述其

見於

山庫書目及朱氏經義考者計二十餘種可謂盛矣茲冠

經籍於藝文之首外此有維名教裨邑政關風雅者

以類相從雖非搜羅無遺亦可窺見一斑云志藝文

經籍



經

周易述釋一卷

宋史藝文志葉適撰

易學精微一卷

忠貞錄明葉葵撰

易經粹說十卷

通志明唐璧撰

大易辨疑

舊志明方之正撰

周易辨疑

明鮑嘉蘊撰見鮑瑋傳

周易朱傳解義

東河書目明朱大興著子用光增釋

周易敝書五卷

經義考國朝王祚昌撰自序先子授

便記自甲寅至癸亥小冊應風灰敗矣題曰敝書其友曰敝而新之易道也因更楮而為之辭

周易說郭

舊志國朝林如鎬撰

太極心性圖說黃氏書目明

任道遜撰

太極圖淺說二卷

府志

國朝朱鴻瞻撰自序首解圖

通書則別卷而附解於後先之以淺而後其深始由其要以及於詳皆題曰淺說云

右易

書鈔

焦氏經籍志

書經集解九卷

通志

國朝朱世果撰禹貢圖歌已梓

顧命解一卷

國朝孫希旦撰

右書

毛詩解詁二十卷

經義考陳傅良撰葉紹翁曰考亭嘗移書求其詩說止齋答以某未嘗註

詩所以說詩者不過與門人為舉子講義今皆毀棄之矣蓋不欲滋朱子之辨也

右詩

春秋說約六卷

宋周淳中撰見葉水心文集水心誌其墓曰淳中字仲古温州瑞安縣人及進

士第乞監潭州南岳廟教授全州以心喪去後授淮東安撫司參議官乞主管建寧府武夷山冲祐觀著

文集十卷春秋說約六卷按選舉志淳中登宋紹興辛未進士國朝朱竹垞錄其書入經義考通志府

志舊縣志俱未載

春秋解

通志宋蔡幼學撰

春秋通說十三卷

通志葉適撰

春秋左氏後傳十二卷

四庫目錄陳傅良撰其書貫通三傳之說趙汭謂公羊穀梁

與左氏異師傅良合而求之頗中其失

左氏章指三十卷

舊志陳傅良撰四庫目錄曰杜氏有所不足以傅良左氏章指通之樓

鑰序曰左氏存其所不書以實其所書公羊穀梁以其所書推見其所不書此章指之所以作也按宋史藝文志文獻通考皆作章指二十卷讀書附志作十七卷惟經義考作三十卷與舊志符

春秋傳衡通志明楊統奇撰

右春秋

周禮說三卷讀書附志陳傅良進趙希弁曰舊刊於止齋文集中曹叔遠別為一書而刻之按經

義考山陰黃文叔著周禮五官說與永嘉陳君舉周禮說相出入葉水心序之

周禮制度精華二十卷玉海陳傅良徐元德撰朱子云于邱服子處見陳徐二先生周

禮制度精華下半冊徐元德作上半冊即君舉所進周禮說皆精切當禮有用之學也

周禮講義經義考宋曹叔遠撰

周禮地官補義經義考曹叔遠有地官遂人至藁人講義

周禮答問

通志宋王奕撰

三禮會元

府志王奕撰按通志作二禮會元舊志作一禮會元

禮記稽疑一卷

明虞原璩撰見環菴集

禮記集解五十卷

國朝孫希旦撰

右禮

經書古義

萬歷府志陳傅良著鄧御史公輔寄新刻陳君舉論孟古義於陳白沙陳復之以詩有爭

得見昌黎之句

六經說

經義考王奕撰

五經解

國朝葉治撰見舊選舉志

右羣經

中庸註疏府志曹叔遠撰 四庫目錄曰所解者四書中之大學中庸非禮記中之大學中庸學問

各有淵源不必強合也今遵入四書

中庸本義 論語說 孟子語經義考俱 王奕撰

經筵孟子講義經義考陳傅良撰

四書圖經義考元吳成夫撰

四書唾餘四卷國朝王祚昌撰見本傳

四書詳說六十卷國朝朱鴻瞻撰有字解句解講文知新餘覽等目已梓者字解學庸講

文

四書彙纂府志朝胡璜撰國

四書說五卷府志朝林達撰國

四書說

國朝葉浩撰
見舊選舉志

右四書

帝系指蒙

國朝林墩撰
撰陸象震序

姓氏箋林五卷

國朝余學禮撰

俗字一卷

國朝余國光輯
一名曉俗編

叶韻輯略四卷

國朝郁豫輯

右小學

史

成周大事記

舊志宋王奕撰

右周

西漢史鈔十七卷

通志宋陳傅良撰按文獻通考作兩漢

西漢通志

復漢錄

釋漢地理志

武侯遺事

通志俱五

奕撰

右漢

續通鑑節要

陳傅良撰自序李燾作續通鑑起建隆元年盡靖康元年一代之書萃見于此今仿

司馬遷年表大事記司馬光稽古錄撮取其要繫以年月其上譜將相大臣除罷而記其政事因革于下方

開基事要十卷

讀書附志陳傅良進亦名建隆編書錄解題作一卷

國史編年政要四十卷

國朝實錄列傳舉要十二卷

文獻通考宋

蔡幼學撰

皇朝宰輔拜罷錄一卷

續百官公卿年表二十卷

書錄

解題俱蔡幼學撰

年歷大事記

宋史蔡幼學撰

名臣事纂九卷

宋史藝文志葉適撰

宋通志五百卷

通志宋蔡範撰

右宋

素翁錄

舊志元季人撰不著姓氏按素翁本傳所錄多紀時變

建文遺史

明鮑端撰

忠貞錄三卷

附錄一卷

四庫目錄明李維樾林增志同編為建文帝舊臣卓敬

作也卷一為遺詩遺文卷二卷三為後人題咏附錄一卷則敬門人黃養正鄉人陳茂烈之遺事養正死

土木之難茂
烈則孝子也

卓忠貞年譜

黃氏書目明宣德
中門人黃潮光編

右元明

育德堂內制集三卷

外制集八卷

書錄解題俱
蔡幼學撰

治說二十篇

宋許景亮
撰見本傳

治平策略三十四篇

忠貞錄
葉葵著

掖垣封事

諫垣奏議

紀錄薦牘

舊志李
維樾撰

右制誥奏議

長樂志四十卷

書錄解題陳傅良撰淳熙九年
君舉通判州事大略皆出其手

岳陽乙志三卷

宋張聲道修見福泉志按聲道家臨山
登淳熙甲辰進士官湖南提刑建御鳳

樓賜祭葬從祀鄉賢書錄解題
作永嘉張聲道從古郡名也

永嘉譜二十四卷

書錄解題曹叔遠撰曰年譜地譜名譜人譜紹興三年郡守宛陵孫懋屬

輯

瑞安縣志十卷

一修于明永樂乙未一修于嘉靖乙卯
邑令劉畿延邑人朱緝等修一修于萬

歷乙亥邑令周悠延邑人秦激修一修于

熙辛未邑令范永盛延邑人章起鴻等修一修于乾

隆己巳邑令陳永清延司

訓章昱邑人吳慶雲等修

瑞安縣志備遺二卷

通志秦激續修

瑞安文獻拾存

通志明鮑武撰按又有文獻彙編一
書係崇禎癸未夏輯不著撰人姓名

東甌遺志

國朝余國光輯所著又有選舉
彙考雜物叢言歲事通續編等書

仙巖志四卷

尤氏藝文志
王應辰撰

仙巖志府志釋道瑞輯

仙巖寺志十卷府志國朝康熙二十四年寺僧佛彙訂佛臯增輯

右志乘

子

荀楊問答外稿六卷書錄解題宋葉適撰

伊洛禮書補亡 伊洛遺禮文獻通考宋陳傅良撰

家訓四戒一宋曹絳撰見本傳一宋吳叔沅撰見府志

性理發明十卷舊志明卓敬撰按李贄忠貞傳敬博學多能凡天文地理律歷兵制靡不精究

尤邃性理著有發明十卷

性理粹語一卷 濂洛宗派六卷 明辨工程三十七

篇 異端辨三十七篇

俱明葉葵撰又有鏡清紀拙見葉繼道墓誌

雲山樵語

分省人物考明任道遜撰按本傳作集雲山樵語錄

覓省錄

靜思錄

俱明陳茂烈撰見本傳

志善集

通志周令撰姚江孫陞曰公棄科舉文字專遂理學每以聖賢為師置功過簿志善集畫之所

為夜必焚香告之天

格言集要

瑞鳳堂講錄

舊志侯明李維樾撰

著孔編

舊志明陳昌言撰

浮屠治喪家誠

國朝朱士晟撰見東河書目

九倫懿範

國朝葉浩撰見舊選舉志

右儒家

歷代兵制八卷

四庫目錄陳傅良撰其書上溯成周鄉遂之法下迄於宋專指陳利

病言之尤詳

漢兵制

府志陳傅良撰

折衝紀述

舊志李維樾撰

奇門一掌編

國朝王祚昌撰見王氏家乘

右兵家

補正漢天文志

舊志宋王奕撰

溫歷

兩浙名賢錄宋陳時敏撰

鄭氏星案

元鄭希誠撰見果老星宗

右五行家

習學記言五十卷

四庫目錄葉適撰凡論經十四卷論諸子七卷論史二十五卷論文鑑

四卷其說頗務新奇故未能純粹要亦文章之豪也按經義考習學記言門人孫之宏為之序黃百家曰存于今者序目而已內說經十四卷原本不知若干卷

廣談助二十卷

國朝方鴻輯

鈍筆叢鈔五十卷

國朝郁豫輯

右雜家

多識錄

通志王奕撰

心遠齋筆記

通志元曹撰

右小說家

東溪書法一卷

黃氏書目明姜立綱撰

刀劔錄

文獻通考梁陶宏景撰按所記古來刀劔四十一事證以李綽尚書故事志書例不收寓賢著述

白先生已列仙釋茲仿通志例錄之

右藝術

止齋論祖四卷

論訣一卷

百川書志陳傅良撰嚴陵方逢辰地點

八面鋒十三卷

四庫目錄陳傅良撰或曰葉適凡提綱八十有八皆備程試答策之用大旨

不失醇正亦不至迂闊信其為永嘉之學也

讀書譜一卷

書錄解題陳傅良撰按此書紀歷代帝王運歷統系彙為一編

質疑十卷

備忘辨疑

舊志蔡幼學撰

讀經史要略類編

通志曹理孫撰

玉海二百卷

孫希旦校訂行述云總裁于文襄公以玉海全部專畀府君刊謬正譌兩更寒暑釐

然就緒

右類書

五會館善財五十三卷 偈一卷 府志俱釋

語錄一卷 仙巖寺志釋超智撰永嘉周應期季光春皆有序

右釋家

真誥二十卷 四庫目錄梁陶宏景撰凡七篇所記皆神仙授受真訣之事凡降現月日文字語

言一一詳載其事不足辨詰而敘述雅飭詩歌書牘亦斐然可觀不類道家野談蓋宏景本博學工文也

混元實錄十二卷 宋謝守灝撰陳止齋實錄序懷英嘗為舉子業已而脫儒冠為道士為書

若干卷凡老子名迹變化及其遺言散見于百家摭拾無遺謂之實錄按道藏目錄作混元聖紀九卷太

上老君年譜要略太上混元史略三卷府志又載有老子解一卷

靜觀策範成真集註府志元周恢撰

進修稿舊志明柳文斐撰應道觀訓述

老子莊子不知篇國朝葉浩撰見舊選舉志

右道家

集

三游集 塘皋集通志林石撰

浮沚集八卷四庫目錄周行已撰原本久佚今从永樂大典錄出行已受業于程子為永嘉學派之宗其文章明白醇實亦具有儒者氣象按

書錄解題作十六卷後集三卷舊志作三十卷

橫塘集二十卷四庫目錄許景衡撰原本久佚今从永樂大典錄出景衡為洛黨舊人然不

與賈易輩喧囂門戶徽宗時劾童貫王黼朱勔高宗時忤黃潛善皆爭所當爭故集中奏議懇切感人其

詩乃吐言清拔不露抗直之狀知其危言正論不自客氣中來矣按書錄解題舊志俱作三十卷

雲海敝帚集五十卷通志宋之才撰

周仲古文集十卷周淳中著見葉水心集

橘林集十卷舊志曹逢時撰王梅溪曰李詩謝賦賈論晁策聲蜚廣場筆掃競敵

徐省元集通志徐履著

止齋文集五十一卷附錄一卷四庫目錄陳傅良撰其門人曹叔遠編傅良

傳永嘉學派以通知古今講求實用為本故集中多經世之文叔遠所編斷自乾道丁亥林下偶談止齋之文初則工巧綺麗後則平淡優游委蛇宛轉其詩意深義精而語尤雋按國朝乾隆甲子邑人林上梓等重刊

文懿集 西垣集舊志俱蔡幼學撰葉水心曰公雖以文顯務闡教化養性情無浮巧輕艷

癸巳燬

之作

水心集二十九卷

四庫目錄葉適撰原集不傳此本乃明正統中黎諒所編也永嘉之派

得薛季宣陳傅良及適而蔚然大振適才雄學博而主于語必已出尤凌跨一代然所作具有典則非恣意馳騁也書錄解題作二十八卷拾遺一卷別集十六卷舊志又有水心進卷制科九卷

玉泉集二十卷

周南林類纂曹幽撰

聽泉集

曹晏撰見舊選舉志

滄江集

吳枋撰見舊選舉志

王子陵文集十卷

通志王奕撰謹按四庫目錄有玉斗山人文集三卷王奕撰

鄭璞集

通志高賓叔撰

清穎一源集

舊志陳則翁家編按原集小傳則翁字仁則宋宏詞科歷任至廣東副使因崖山之

變棄官歸里遷居柏橋建集善院奉宋主神位朝夕
 哭臨日與林霽山輩唱和著有滄浪典則翁之父名
 供字居敬著及春稿又有兼善字達則著無悶
 稿養善字敏則著嶺南清嘯集皆則翁從兄也
 鷄肋集通志陳少垣撰按少垣名昌時以字行則翁長
 子其仲子名得時字少成有穎西清嘯集從子
 文尹字端友有澤畔吟齋孫挺有筠川類稿又有詩
 集八種俱係陳氏一門著作並見清穎一源集中

右宋

合溪文集通志曹禎孫著

杜詩訣舊志曹理孫撰

惺惺稿通志陳宏毅撰

襄天集通志葉貫道撰

柔克齋集靜志居詩話高明撰顧仲瑛日長才碩學
 為時名流按又著有琵琶記詳見遺事

右元

月泉詩派

舊志明季復初家編通志作月泉稿

卓忠貞文集五十卷

分省人物考卓敬撰宣德中盧陵劉球得其遺文傳之

棄攬集

舊志曹介撰

白石陶咏

隨寓吟稿

忠貞錄葉葵撰

趙氏遺芳集

趙廷輝輯卓忠毅有序

菌翁集

明詩綜季應祈撰按舊志作恥菴集又名樊莊集

三山稿

東甌詩存楊景衡撰

環菴遺稿十卷

通志虞原璩撰何源序古今體詩二百七十餘首裔孫紫山輯為九卷附錄

卷按文集原璩又有

穎蒙錄聚樂堂稿

蘭坡遺集

通志季德基著按名山藏何文淵曰我守東

德德基其清峻之操如東漢獨行傳人

竹所翁集

東歐續集季德珍著

成趣亭稿

舊志吳祚撰

隆山稿

通志項旻撰

集雲山樵文集

坦然子集

舊志俱任道遜撰按府志道遜又有雅鳴集竹亭稿

歸田百咏

擊缶集

舊志柳楷撰按圖畫寶鑑續纂楷字文範與姜廷憲同直內閣詩文書畫皆佳妙

山亭稿

京華稿

舊志俱鮑瑋撰

西巖稿

舊志蔡鼎撰

松亭吟稿舊志胡

懷竹軒稿舊志胡鈞撰別約園濬曰吾家世居豐
鴻盧公有松亭吟稿谿莊公有懷竹軒

樗菴集鮑嘉蘊撰
見鮑瑋傳

松月山房遺稿東甌詩存
蔡子鳳著

石崖稿舊志陳
祐撰

竹川稿舊志朱
悅撰

雨川詩集邱一龍撰
舊職官志見

拙齋集舊志林
彥撰

吸川子稿舊志林
亭撰

蚓竅集舊志亭子彩撰
府志作高子彩

紫山吟稿

東甌詩存 虞書撰 又有紫山文稿

涵虛齋稿

東甌詩存 蔡汝修著

勉齋集

舊志 吳璠撰 按 府志作吳瑤

獨峯唱和

督漕行草

舊志 俱李維樾撰

玉署初編

舊志 林增志撰

傲寒草

雲頂院僧 靈基撰

叩機集

東甌詩存 趙裕室潘氏著 又有 林氏何氏詩俱見東甌詩存

右明

籀夢草

舊志 王會昌撰 按 又著 有髯姝姍緋桃詠傳奇

荻齋集

東甌詩存 林齊鉉撰

半齋紀遊詩草 東甌詩存

李敷撰

葯園詩集 東甌詩存

胡濬撰

竹園類輯十卷 府志 朱鴻瞻撰

作菜竹園文集

綠芸集 府志 朱霖撰

作綠雲集

燕遊草 林鴻道撰

見竹園類輯

竹園詩集 府志 林青雲撰

撰

半霞樓詩稿 朱鴻增撰

撰

林慕橋詩四卷 舊志 林上梓撰 有乙丙雙

清軒調鶴軒淪雪軒等集

愛日樓詩 對松哦 俱林元

撰

水鏡亭稿 胡時霖撰

見本傳

此齋詩稿 東甌詩存 胡璜撰

杞巖詩集 東甌詩存 林露撰

孫編修文集三十卷 孫希旦撰

東園詩稿 唐嗣益撰

文航漫錄 余學禮撰

東甌詩存 余國光輯曾唯詩存序瑞安余君國光志存風雅而於詩輯有成書

兩峰山人詩錄 余國鼎撰永嘉張元觀序

濟麓齋詩集 東甌詩存 余永森撰

咫園詩稿 戴信準撰

鋤餘集 東甌詩存 寺僧一覺撰

梅花詩 仙巖志 僧心空
撰計三十首

右 國朝

能

公

國

平

河

運

立

信
心
空

賦

元

高明大成樂賦

尼山降神麟紱告祥表盛德於萬世垂
休聲於百王悵丹書之已遠懷素王而

不忘宜大成之嘉樂昭德音之洋洋夫其金罇初宣
球磬終鳴合琴匏之雅韻畜填篪之和聲後合樂以

齊奏先工歌之間升燦始終之條理非一音之小成
象盛德之咸備豈一善之能名至若穆穆廟堂几筵

既陳豆籩靜嘉粢盛苾芬燎晰晰以在庭夜迢迢以
向晨聆控揭之迭奏喜絲簧之遞聞是乃秩秩其倫

嗶嗶其音鏗乎若在衛之磬冷然若杏壇之琴若曾
點之瑟悠然而間歇類關雎之亂淵乎其幽深感餘

韻之未終懷沫泗而沉吟嗟夫雲門不歌咸池已息
况女樂之歸已納而雍徹之僭未革雖雅頌之得所

歎陽襄之屏跡遂乃斥鄭聲以嚴法託虞韶以垂則
歎夫人莫我知匪顏氏其孰能識故傲如繹如之訓

僅語之太師而金石絲竹之音徒聞於舊宅嗟聖人
之道不獲見於制作而聞其樂者猶足以想像其大

成之德彼夷惠與伊尹雖制行之造極猶一音之特
 奏固與大成者殊途而異域也猗歟盛哉時文教鴻
 施繁爾多士際茲休期瞻孔廟之翼翼本治化之熙
 熙聆斯音者必知金聲玉振之序得於心者必為始
 終條理之思豈徒習其音節若矇瞍之所為者哉歌
 曰於穆兮辟雍肅清祀兮吾將從攬蘋藻兮薦芳撫
 琴瑟兮鼓鐘樂奏兮備舉工歌兮容與喤喤兮厥聲
 神續紛兮來下尼山兮崇崇石巖巖兮雲溶溶樂之
 成兮猶有終猗
 君子兮思無窮

退

為

下

詩

宋

林石

登福全山

嘗聞陶隱居經行到茲地君王屢飛詔高尚心逾厲一幅畫雙牛誰人知此意

梅雨潭憶舊遊

去夏曾同潭上游蔭松坐石濯清流論文聲雜飛泉響語道心齊邃谷幽

盛暑忽思尋舊好煩襟頓覺似新秋也知人世多餘暇能更重為勝賞不

李

鈞

郡守

同林介夫遊梅雨潭和韻

欲追河朔一時遊曾效蘭亭泛曲流聞說仙巖為絕

勝喜同高客共探幽清風未挹先蠲渴靈地將登已覺秋幸有兵廚三雅醞論文應飲百杯不

孫

憲

使憲

清水閣會林介夫

一別東嘉已十年白頭重訪舊林泉交情喜共星車飲主道來逢郡

將賢單騎遠馳中禁使清談分坐隱居仙高僧起乞題名板異日畱為野老傳

周行已

絕境亭

雲橫絕塵境峻堞若繩削羣山列培塿雲水分脈絡下瞰萬瓦居縹緲見樓閣松風發天

籟令然衆響作晶瑩天宇淨塵襟一澄廓

遷居柳市

緬懷彭澤令從借剡溪居水漫衆流會山連野徑疎閉關非避世為道久忘書乍愜

幽棲趣永欣塵鞅除羅含亦有宅洲渚啟柴門未足拒風色猶堪隔世喧卜居空著論畢娶詎忘言且

折薛中券相從籬下尊

重遊仙巖

此地一為別風塵岐路賒登臨元有待巖谷更重華石竇寒凝髓虹梁迴綴霞仙源

端可狎飛轡繞林涯

沈躬行

仙巖卽事

孟月攝提指春遊初服成招尋追舊蹟涉歷憩孤情暫爾諧心賞相從念友聲丹房

探不遠吾欲悟無生

許景亮

陶隱居丹室

金鑿辭舊直鶴駕脫塵氛真隱雖高世嘉謨亦相君石壇移曉月丹竈覆寒雲

琴瑟松風在時人自不聞

許景衡

聖壽寺

古寺重門裏迴廊一徑幽水聲長帶雨山色最宜秋寓宿已多日題詩更少畱此生隨利

祿行路日悠悠

得一堂

未暇開三徑還尋得一堂山居元寂寂塵世自茫茫古木秋風響寒燈夜話長須知杜陵

老最愛
贊公房

吹臺山

聞說吹臺上秋來鎖薜蘿白雲長自在幽逕復誰過天末空愁眼樽前且浩歌山林與廊

廟二者
竟如何

百詠堂

城郭尋常眼不關誰能一一訪林巒已將好景都吟過畱與遊人取次看寂寂郊原秋色

遠悠悠
十六坊

江水暮天寒可憐三月還照先生舊倚闌

遊仙巖

龍穴梅潭抱嶺斜憶曾同試雨前茶稍須林壑開雲葉便倩兒童汲井花一別仙山空夢

寐三年邊塞走塵沙擬將覓片閒田地鄰舍如儂有幾家

來儀亭

名山海上海上誰曾到多謝滕公與賦詩古寺一從渠去後新亭還有鳳來儀杖藜獨往長搔

首尊酒相逢且展眉巖谷千秋自明月只應此意少人知

寸碧亭

杖履尋常行樂處不論小逕與幽亭誰知蒼莽千峯外尚有仙山一點青

橫塘

春入橫塘綠渺漫扁舟欲去重盤桓
誰教天晚廉纖雨又作殘春料峭寒

宋之才

遊隆山

危磴盤雲杪驚濤漲晚空江山端有待杖履
偶相同孤塔蒼茫外千帆杳靄中誰知幽壑

趣未博
軟塵紅

觀潮閣

風煙未息倩詩催小立欄杆亦快哉江面貼
天晴更好濤頭拍岸去仍回晚山過雨亂鬟

擁細舶點空浮雁來坐待月
明寒練淨片槎直欲到蓬萊

林 芑

觀潮閣

江山不受範偃蹇散莫收領略得要會聚此
百尺樓霽色明千峯斜陽帶歸舟堪洗北客

塵如脫南冠囚二子倚秋晚岸巾送明眸杯寒風景
切句落雲煙愁況我江海人二頃亦易求百年鷗盟

在脫幘
行當休

沈希尹

高士峯

淡淡梨花寂寂春一聲啼鳥隔花聞
高峯影轉金雞月渤海晴橫碧嶠雲

王十朋

樂清人

過瑞安

我家古樂成老未識安固偶把清源麾首問
南塘路解維日已晏入境天欲暮張子自陶

山扁舟

惠然顧沈君壯年別相見髮垂素訪舊多不
存來觀莫知數平原二十人邂逅喜相遇謂我宜少

畱欲

不典具我驅不敢疾曲為一宵住臨江有高
閣登覽可以賦瀾同孟子觀目作少陵注燈火照魚

龍談笑

驚鷗鷺啣杯鄉意濃竊食
君恩誤晨起酒未醒潮來報催渡

訪曹夢良

我自蕭峯下遙來訪許峯川途何敢憚筆
硯久相從故里行將遠吾人豈易逢何當

繼韓孟相
逐似雲龍

陳傅良

游南塘

滎陽居士居罕出高堂華屋安于山人自整
湯豈關我乃復辛苦事所難徒扛未成天欲

寒風吹溱汭波漫漫安得亟
語賢刺史刺史愛民如赤子

寄題陳同甫抱膝亭

稻梁不難謀軒冕亦易得胡為
抱膝翁惻惻復惻惻秋風墮碧

梧鳳鳥去無迹愁吟草際蛩兒女淚盈臆忽然一長
嘯孤響起空寂令人識雅頌一唱三歎息室廬在路

傍耕鑿在民籍行人聽笑語稚子共眠食讀書果何
罪鬚髮又半白此意太勞勞此身長抑抑抱膝且不

可出門更何適但勿
問門外蓬蒿若干尺

觀潮閣
俯集滄溟大衡陳草莽多闕山飛鳥沒吳會
一帆過消長看沙尾行藏問釣蓑登臨有若

此人物
付如何

梅雨潭

滾滾羣山俱入海堂堂背水若重闕怒號懸
瀑從天下傑立蒼崖夾道陳晉宋至今堪屈

指東南如此豈無人結廬作
對吾何敢聊向漁樵寄此身

和沈太守題觀潮閣

平生欲賦觀潮閣立盡斜陽倦復還一日江山蒙筆力百年名

字滿人寰却從晉宋風流後詩到蘇黃伯仲間向去學摩看石刻誰知功在十年閒

沈

樞郡守

視修南塘成回同陳君舉諸賢遊梅雨潭上

莫訝多幽勝仙

巖舊得名五潭俱卓絕二井更澄清領客欣同入摩崖記此行登臨有餘興恍若在蓬瀛

蔡幼學

田園

野水萍無主晴風草自香庭陰新似染物色去如忙岸樹魚依綠畦花蝶鬪黃家園向來夢靜

數四
年長

葉適

王氏讀書堂

誰能採桑談誰能帶經鋤古人讀書地妙理出窮閭矧今治華室山翠湧前除

風煙聚景懋花竹成畫圖主人烏紗帽子弟繡羅襦
新裝繭紙印上記開闢初展卷忽有得欣如奏齊竿
勉哉造其微
勿逐皮毛粗

深明閣

有引石經春秋一代奇寶王氏為熙豐學
廢不用瑞安沈彬老獵而有之後世孫體仁

閣以度焉余為名曰深明閣
喟昔洛門初上石未
久翻遭禁書厄沈公祕藏百載餘高閣突兀共堆積
萬物散聚常橫陳汀花岸草從紛紜
海雲化雨龍正起想象向來悲獲麟

題五畏齋

曹滕亦據南面權坐衙吏貼羣趨先敢云
威福自我出下有赤子高蒼天聖人迭與

建皇極付祝長官尤惻惻前碑特立示銘誠後榜七
條垂訓釋冰清王令來調琴四事未畏先畏心常將
方寸勤管攝不與外物相虧侵情防驕麤意防滿萬
事須要畏為本君不見匹夫膽大氣如山風浪只在
須臾
間

贈曹潛夫仕蜀詩

東南作郡歎年徂遠近參司到蜀
都元帥幙中雖授節生羌界上也

分符閒吟杜甫詩千首時載楊雄酒一
壺只我衰殘望君切杜鵑聲裏認歸途

橘枝詞

蜜滿房中金作皮人家短日挂疎籬
判霜剪露裝船去不唱楊枝唱橘枝

趙汝回

永嘉人

室葉水心

鶴骨癯癯髮未斑秋風鷗鷺共條閒芙蓉
夾徑纔通馬楊柳沿池不礙山外瑞定於

何日上中興只在十年間穀城
片石無人識胡為堂堂出漢關

趙克非

除夜

鄰家爭守歲靜坐獨忘眠寒漏逾三下春風又
一年冰霜詩鬢上兒女酒杯前人事今宵畢看

山棹
小船

上冢

步入巾峯去冥濛一逕深重泉千古憾寸草百
年心花發空林色嵐生古壁陰徘徊歸向夜薄

露溼
衣襟

曹 幽

重過仙巖

片棹仙源及早秋西風謾謾翠華浮磯分玉映三千界壁聳金鋪十二樓談道昔年

人已沒論交今日我還畱欲同山衲尋遺事苔蘚蒙茸不可求

辭職至括蒼嶺

老去那能作諫臣聖恩寬大許抽身今朝嶺上衝風雪猶勝藍關策馬人

春暮

門外無人問落花綠陰冉冉遍天涯林鶯啼到無聲處青草池塘獨聽蛙

陳淳祖

徙鄭司業舊居

司業閒居處門前煙樹低見山懷舊隱撫壁試新題燕語花初落蜂衙日

自西一年春事畢又見子規啼

王 奕

春暉亭為樂成樾川子賦

昔人念親心何如喻彼百草蒙春暉一川含綠草方

長滿地落紅春已歸草欲報春春忽改子欲養親親
 不待嗟哉物爾人亦然對草無言淚如海陽春有脚
 還復來今年花謝明年開慈親一去不復見畫堂空
 寫春風面擗川有子思報親結茅作亭畱白雲親恩
 難酬春易度獨倚欄杆怨春暮寄言孝子須惜時流
 光暗促親顏移春盤薦脆須及早莫待酒澆墳上草

寶香院

山如螺髻塔如簪三面江環一徑深曉霧拂
 巖凝蜃氣夜潮歸壑聽龍吟戀涼人坐臨流

石帶暝禽投隔岸林獨憾寶
 香名未稱只應喚作小江心

觀潮閣

南岸客來過北岸浙山盡處見閩山
 清秋井邑棋枰裏落日汀洲畫軸間

陳則翁

秋思

在世身如客餘年老一洲荒村寒信早黃葉晚
 風秋水淨見孤影天空生遠愁傑然霜下菊佳

色滿
 林邱

閩嶠軍中

貔貅齊擁霍嫖姚却笑青山說豹韜兵馬
 夜行殘月下弓旌寒響朔風高壺漿故老

愁啼血野飯將軍猛茹毛自笑
書生隨玉帳也腰刀劍束征袍

陳昌時

湖心寺

出城五里淨無塵清湖無底秋浸目水仙飛
結空中樓佛香吹化蓮花閣老僧坐久忘身

心夜涼恍住鮫人屋何當使
我出世愁苔徑幽窗弄雲竹

即事

石室無來客閒雲伴晚眠夢添身外事髮減鏡
山年小雨溪平路牛衣業在田劍星橫照膽歸

意未
應全

周公輔別業

同為樓隱處只在白雲根野草行無路
孤舟入有門已存栽竹地不買種桃園

眼底饒蒼翠
南山帶北村

太平宴

朝陽鳴鳳馬圖河雷動官僚宴泰和萬國春
風酣組綬九天明月照笙歌紅雲瑞擁山呼

壽滄海恩深酒作波元朔丹
崖聲教遠願昭鴻業刻嵯峨

高得心

林下讀書

芸葉滿牀塵夢稀空林對雨淡相依閒身不與時榮謝抱膝惟評古是非蕙帳風寒

人未老松門雲靜鶴初歸青山紫閣原同道肯羨宮袍耀布衣

李介山

梅雨潭

靈源分左界千仞落飛泉散作一空雨長如四月天挂巖寒練直濺客水珠圓湫石龍應

在巖扉
浮翠煙

林景熙

字德陽號霽山平陽人

老松舊隱為曹許山賦

七十五松在當年手植翁龍髯雲滿壑鶴唳月當空三品

非秦爵諸郎有晉風交夜深清籟發歸珮玉丁東許山名稽孫父侍郎松廬先生手植七十五松於庭因

署其居為老松舊隱

答柴主簿杰二首

相隔雲江有夢尋篇詩寄舊重兼
金山林未遂鹿麋性風雨空愁葵

藿心老氣十年看劔在秋聲一夜入燈深銅槃消息
無人問寂寞西樓待雁音閒采秋荷自製衣相逢

舊雨語依依學窮蝌蚪心空老夢跨蟾蜍肉不飛幾
喚江帆和雁度長歌巖戶見雲歸何須化鶴千年後

城郭人民

半已非

元

金建

碧林書院二首

適吾道兮崑崙會拂衽兮艱阻退獨
處兮幽深窅冥冥兮曷觀荒紛紛兮

披猖人崢嶸兮旁午匪獨怨兮茲今慨寥寥兮千古
佳木兮華滋故人兮惠來思月皎皎兮獨照風瑟

瑟兮輕吹進以飯兮玉屑勸以酒兮金卮
君少畱兮我心怡勿輕去兮使我心悲

陳允文

觀桑樹有感

一年一度伐枝柯萬木叢中苦最多為國為民甘寂寞却教桃李聽笙歌按此

詩介菴漫筆作明于忠肅詩附識于此

高明

曉起偶成

曉雨池上來微風動寒綠幽人睡初起開窗見修竹西山帶層雲隱隱出林木境寂

塵自空慮淡趣常足獨坐無晤言流泉下深谷

王節婦詩

清清慈溪水蘋藻被涯涘昔年修婦職采擷薦明祀殷勤執豆籩齋肅事君子一朝

雙鴛鴦別離隔生死死者無還期生者當同歸奈何姑嫜老重以膝下兒升堂奉甘脆篝燈訓書詩庶以

未亡人慰彼泉下思溪水波可竭妾身不改節溪水有渟汚妾心但明潔熒熒瑤臺鏡元髮今已雪孤鸞

雖不舞寒影自澄澈溪水常流東餘波總相從結髮為夫婦永別何由逢青山有窀穸百歲須當同願言

合歡樹化作壠上松萬蘿更纏綿相依無終窮

題岳王墓

莫向中原歎黍離英雄生死繫安危天廷
不下班師詔絕漠全收大將旗父子一門

甘仗節山河萬里竟分支孤臣
尚有埋身地二帝遊魂更可悲

曹稹孫

富覽亭晴雪

閱世榮枯事若何孤燈獨對碧嵯峨
雪風吹落瓊瑤樹一夜江南白屋多

明

劉基

基

青田人

送高則誠南征二首

少小慕曾閔窮檐兀幽棲邱園
責嘉命通籍廁金閨握筆事空

言塊焉愧梁鷄不如屬棗鞞結束習鼓鞞廟算出帷
幄白日收虹蜺劍光帖蒼溟旗尾懸鯨鯢振旅還大
藩歌舞安旄倪拂衣不受賞長揖歸蒿藜江鄉積
陰氣二月春風寒壯士縵胡纓伐鼓開洪瀾長風翼
萬軸撒若橫海翰馬街伏轅門翊衛
森材官仗鉞指天狼怒髮衝危冠

卓敬

陳叔起畫

野徑通禪刹溪流沒釣磯小舟衝浪出幽鳥背人飛遠樹浮蒼靄空山淡落暉竹廬

吾所愛真與世相違

元旦送襄陽守鮑東園回朝

長樂鳴鞭曙色開履端輯瑞遠臣來金門乍闢

祥雲合玉珮初臨旭日催寶歷新看頌正朔景星早已見中台鈞天更聽昇平曲湛露承恩萬壽杯

西施菜

返魂香幻作秋叢爽伴東籬靖節翁蒞溼有痕凝曉露酒酣無力倚西風恃妍曾得夫差

寵雪恥先來范蠡功千古館娃遺憾在清吟難與洗妖紅

墨菊

淵明歸去本無心長向東籬寫醉吟翻却硯池花藥上至今帶得墨痕深我向元都逢羽士

自言種菊不多根灌園只汲臨池水歲歲花開帶墨痕

墨竹

洞庭木落水生波斜月虛窗露氣多真帝不歸秋色晚滿江煙雨泣湘娥

紅梅

誰教姑射飲流霞爛醉西湖處士家
幾度春風吹不醒至今顏色似桃花

梅影

華光淡墨鵞溪絹不似天公巧絕奇
碧水晴沙風定後空山茅屋月明時

二月梅

每日尋芳盡醉歸溪陰沙岸忽橫枝
暗香浮動梨花月春色平分正此時

栽梅

風流東閣題詩客瀟灑西湖處士家
雪冷江深無夢到自鋤明月種梅花

落梅

山中昨夜東風惡詩客柴門向晚開
狼藉一庭春意思半飄風雨半依苔

春興

杖藜徐步出門去好花無數媚巖阿
摘花歸去不成插坐對芳池春水多

客至

竹外烹茶費屢呼提壺貰酒遶村無
同餐麥飯無難色氣概知非淺丈夫

晚眺

沉花溪上雙楠木老杜草堂生夏寒
門外青山三十六讀書終日倚闌干

山水

長松雨過秋陰滿日日攜琴自往回
安得扁舟乘晚興載將山色過江來

題扇

夜入瑤臺看月明吹簫惟有董雙成
碧桃花外人騎鶴報道天書下玉京

楊士奇

泰和人
大學士

送黃養正

歷事三朝聖會蒙當宁知手持五色筆常在鳳凰池雪霽城南路春融柳外漸還家

自足喜報國豈應遲

文明門外柳頻折送人歸竊

祿吾何補懷鄉志屢違越潮天際白吳樹雨中微羨

爾乘仙舫東南去似飛

龔秉德

郡守

登東山塔寺觀海二首

寺迥通天都亭高接海隅潮來疑島近野曠覺村孤多病

非詞客狂歌愧酒徒南荒開遠戍萬里見雄圖

龍

峯高數仞驚嶺鬱千盤不上浮屠頂那知島嶼寬海

雲南下盡山氣北來寒幾

處驚烽火臨風重倚欄

周

敘

湖廣人
永嘉丞

周孝子歌

疾風吹沙滄海翻魚龍鼎沸煙塵昏羣雄竊據宇內裂橫行殺戮相併吞吳山之東

越江曲賊勢猖狂肆殘毒平原千里煙火稀豺虎縱
橫繞空谷周家父子耽文儒流離屏竄無安居一朝
邂逅入俘擄愴惶寧顧千金軀而翁視子心尤苦況
是高堂淮大母子欲捐生贖父還願得承顏慰延佇
強賊憑陵恣忍心縛之竟墮中流深嗟哉孝子義不
辱牽衣隨父行俱沉彝倫泯墜王綱靡白日無光泣
神鬼長遣當年雙旅魂遺恨今猶結淵水真人御宇
誅強兇萬方盡入甄陶中史官採錄筆懿行令名耿
耿垂無窮由來父子有恩愛天理人心豈
曾昧抽毫試寫孝子篇千載兇渠膽應碎

蔡

芳

平邑人

謁陳止齋祠

白露洗秋晴山容貼天淨訪古上仙巖
不為窮幽勝止齋讀書堂荒涼松徑

大聲呼先生唯聞山谷應涼颼灑林端時景覺易
江河日下趨令人發長咏何以洩吾思拜像起恭敬

沈有容

宛陵人

題王公祠

有引上饒王十洲先生啣命宰瑞甫
五越月政舉民安其仁恕廉明洵非今人

所可儻者乃勞於民事莫竟厥施無論闔邑士民擗
 踊哭泣如喪考妣卽當道聞之無不爲之流涕在東
 關城內建祠崇祀誠士民義舉余業已可其議爰捐
 俸助之祠成繫之以詩俾勒諸貞珉用識不忘云
 漢代循良吏於今可等倫憂民常抱病許國竟亡身
 櫬去風霜冷祠開伏臘新清秋松際月人尚想丰神

陳明彥

署邑論

讀忠貞公遺稿

憶昔高皇持寸鐵電掃風驅開日
 月金陵自古帝王居虎踞龍蟠定

天闕公輔文孫列繡裳手扶義御回扶桑家令陳言
 賈生涕綢繆未雨顧慮長一朝南內煙塵起昔日謨
 謀今已矣君曰遜國臣安歸俱是天朝舊養士人言
 成敗本一家夷齊管魏無爭差惟公慷慨志不負御
 袍頸血相濺加嗚呼爲子死孝臣死忠孤臣就義何
 從容滌滌瑜至性能馴虎湛族精誠直貫虹我今憑弔
 來江渚猶見寶香讀書所遺編展讀如見公古道
 照顏光鼎呂春秋廟祀古今存一盞寒泉薦馨黍

楊景衡

竹林深處圖為劉中舍題
鷓鴣啼歇山雨晴相筠翠
滴寒煙平萬玉蕭蕭風在

戶露香墮地春冥冥月明如霜夜方永瓊漏無
聲酒初醒林深不禁秋思多丹鳳歸來碧雲冷

遊仙巖寺
飛瀑岩巖下九天曇花香渡碧巖前溪山
勝賞金圍剎湖海歸慚雪滿顛繞徑松風

秋倚杖一庭蘿月夜談禪何時了却人問事來共山
中聽雨眠 一作南閩秩滿歸來日擬向山窗聽雨

眠

吳荃

洞庭秋望
洞庭遙在天之東放歌濯足秋正中君山
倒蘸翠螺溼湖水直與銀河通一點兩點

沙鳥白千樹萬樹霜葉紅美人
涓涓隔秋水目極萬里雙飛

季應祈

寄朱彥明
我向鹿巖成小隱君從浦口駐蘭橈臨池
水暖生金薤靈谷雲深長玉苗江上懷人

春載酒花間畱客夜吹簫自慚
世道渾無補雪鬢霜髯已半凋

薩秀實都事

虎座談經味豹韜十年聲譽藹青霄從
容綠水紅蓮幕瀟灑春風碧玉簫江上

望雲秋倚馬帳中乘月夜聞鵬誰
家餘子工塗抹至寶天全不在雕

曹睦

弔卓忠貞

朔吹驚朝捲赤旌孤臣持節值艱貞綱常
賴振千秋重生死真如一髮輕心對蒼蒼

誠激烈身偏察察獨揚清同袍
不減填篋雅愁聽山前笛裏聲

李文潛

周伯武溪西隱居

安陽郡人周處士疎籬矮屋住山
陰雨添江樹十分綠水漲沙溪一

尺深花漾銀瓶春酌酒香燒寶鴨夜彈
琴幽居料待清如許愧我江湖萬里心

季震孫

觀潮閣

選勝何年劇翠成古今登眺幾詩評潮隨萬馬聲中出閣向六鼇背上橫天接海門羣岫

遠雲飛渡口帆輕郭熙筆力圖難足愜我頻尋鷗鷺盟

季德基

送潘檢討致仕授本郡學教授

鶴髮詞臣出禁林九重沐聖恩深校書

天祿成塵夢振鐸鄉邦稱老心尊棗秋風一壺酒杏花春雨半牀琴從今晚翠軒東月夜夜清光伴醉吟

季德珍

暮春卽事

鹽車誰礙困驂騑小立東風憶舊遊老似伏波還控節美如曲逆不封侯綠楊門巷

連朝雨小麥田塍四月秋景物未窮登覽興笛聲忽起釣魚舟

林亭

飛雲渡

泥塗新蹇路何餘十里長堤湧白沙病涉無詩歌苦葉候津有客倚仙槎拍岸怒潮春雨

後隔江疎樹夕陽斜湯湯不用愁天限南北於今總一家

鮑端

仙巖望臥龍潭

一帶鳴泉杳靄中匡廬面目許相同
遠公遙指雲生處誰向深潭起臥龍

虞原璩

雙橋樂

雙橋樂羅山圖畫金碧作清溪玻璃遶屋角
竹茂松苞宛邱壑海榕豫章冬不落夏午繁

陰日光薄車馬無塵遠城郭鷓冠鶴髦製寬博賓朋
壺觴日酌醉園有嘉蔬海有錯散髮披襟恣歡謔林
下風清棊一局亭上月明
歌數曲瑞鄉無如雙橋樂

雙橋苦

雙橋苦半是亭民半戎戶亭民何曾諳斥鹵
戎戶年年困勾補又膺里正承公府批帖牌

花日旁午故家子弟罕稽古囊空不敢為商賈四肢
傲惰恥農圃風月三三或五五閒坐橋頭講文武行
人指羨神仙伍豈知此仙
騎此虎瑞鄉無如雙橋苦

羅陽八景

雙橋明月

石梁縱橫如置矩桂花影
天連水驪龍爭珠貝闕開彩

虹夾鏡金波委萬里雲霄鶴已仙
九秋風露人如市停杯有問孰應之
題柱無心吾老矣

八水晴煙

羅岑削翠如廬阜中瀉飛泉三五道
遙挂長松顛紫煙散入扶桑杪濃隨嵐氣

相網縕淡映波光同浩渺忽聽
滄浪歌濯纓欵乃一聲山更窅

虎巖夕照

燭龍餘暉射東嶺怪石耽耽如顛影
朱霞綠霧之氣凝丹砂黑漆其文炳莽蒼伏草

漢將曠昏黃負嵎晉人警牧童
吹笛牛羊歸風撓棲鳥號絕頂

雲頂曉鐘

重重花鬘雲為頂無盡明燈常罔罔
金鷄鼓翅曙色分華鯨沸聲昏夢醒霧深餘韻

出林遲霜清逸響兼天永勝遊
安得少陵詩更宿招提發深省

石馬寒泉

層崖何年墜房星神駿應圖依翠屏
王良無由調轡策曹霸不敢加丹竒仰觀雪風

天澹澹俯瞰碧沼秋泠泠絕勝
汗血古城下向北驚嘶聞水腥

巖菴殘雪

玲瓏蘿竇當元冬一夕變幻銀芙蓉黔鳥已燭冷泉洞素龍尚挂飛來峯宛轉大千

玉毫相照耀丈六金仙容老僧畫盡芋爐火細話靈隱元宗同

仙洞飛瀑

漱玉古潭龍所都餘波噴雪東西趨摩崖直倚崆峒劍激石亂走蜿蜒珠聲震雷霆

轉碎泮骨寒草木皆清癯臨流試問飲牛者過客寧無孫楚乎

東峯疊翠

誰把波斯萬斛螺白雲深處結嵯峨朝陽葦葦梧桐茂夕照蒼蒼松柏多鱗鬣似看

龍天矯羽毛思見鳳婆娑盤盤祖隴依林麓雨露其如感慕何

虞原祐

蔡節婦

梧桐疎雨滴更殘機杼虛牕泣曉寒華表不歸天外鶴玉臺獨掩鏡中鸞扶持風俗倫攸

敘終始閨門義所安好種青松間修竹歲寒永雪淡相看

倪寅

遊仙巖和楊大參韻

錦衣行樂小春天
綵筆題詩繡佛前
好事贊公畱杜老
能書懷

素共張顛山窗蘿月
三生夢澗水松風一
宿禪此日南閩望霖
雨東山那得尚高眠

任道遜

泉州草堂翁項尚載題

山曉雨初晴
草堂風日清水
流川作字仙去石
畱名延月

匏尊滿看花竹杖輕
不知城市裏夜半有
人行

峴西村莊

半畝新居置峴西
到城門外是江堤
潮聲入夜月當午
山色載春花滿蹊
棊局幾番

雙鬢改酒杯載覆一
鶯啼村莊別有閒區
畫種竹栽松與灌畦

陳朝明

挽任太常

八十二齡天上客
乞歸林下十年餘
一身澹薄惟甘節
兩鬢蕭疎尚著書
挂壁有圖

開太極蓋棺無夢返
華胥從今門寂詩壇
冷老淚那禁溼布裙

文林郡守

再遊仙巖寺

一逕迢遙轉翠微
蒼藤古樹淨禪扉
念年不到山依舊
此日重來人漸非
梅雨

有潭龍化去仙巖無跡
鶴飛歸賓朋散亂太守醉
人影鳥聲添夕暉

吳祚

遊錦湖

錦纜牽風郭外船
碧波吹浪白鷗前
夕陽山色人如畫
夜月簫聲夢亦仙
漁戶去分燃竹

似火溪翁來乞買茶錢
憐子不似天隨子
瀟灑江湖又幾年

鍾城

遊仙巖

相逢只說好溪山
此際方偷半日閒
都道方壺浮海上
誰知兜率墮人間
瀑流直瀉蛟龍

窟煙靄深藏虎豹關
笑倚芳樽吟興遠
白雲飛與鶴俱還

項備

仙巖寺

仙巖景致勝蓬萊挾各同登般若臺滿地

誦萬劫俱亡絕點埃身已投閒常到此高僧握手笑顏開

項旻

遊仙巖讀先君遺稿感懷

夙羨仙巖境界幽扁舟今日續前遊經年梅雨通終

古萬壑松風渾素秋虎渡溪橋聆法施鶯啼嘉樹和農謳家君清賞曾畱詠讀罷遺詩技淚流

胡袍

暮春卽事

淑氣蒸人臥起遲暖風和日最相宜屋頭

詩自遣髮斑誰謂藥堪醫無聊謾向榕陰坐閒看纖鱗戲碧漪

鮑瑋

遊山寺

此地人稀到苔封一逕閒懶雲低覆水斜日早街山松暝鶴初睡香銷僧未還無詩亦無

酒含笑
出禪關

嚴陵

逝水悠悠竟不回漢家冠蓋盡蓬萊
可憐一片桐江月還照先生舊釣臺

重遊仙巖寺

十年曾記一登臨雲鎖松蘿石洞深
巢鶴未歸僧已定數聲啼鳥隔花陰

鮑嘉蘊

過赤城謁方正學公祠

復嶺沿緣近赤城茫茫何處
著精靈已甘十族殉君父那

計千秋耿日星聖祖神孫寧有忝天綱地紀
幸無暝逢人重說當年事辦水崇祠只涕零

悼卓忠貞

丹陛雖移尚一家孤臣九死志靡他徙封
晁賈謀何切叩馬夷齊義孰加桑梓百年

師表在蘋蘩千祀生恩賒忠魂
不作啼鶻化幾向朝元泣暮鴉

狄俊

福全山晚眺

重陽初霽雨落日絢天紅秋色歸仙圃
松聲動碧空農耕青嶂下僧定白雲中

稽古尋碑石
靈山甲浙東

蔡鼎

登隆山塔
白雲深處昔曾遊
寥廓空青萬籟幽
風竹

浮屠峻冷沁詩脾
曲澗流唱飲
不須絃管樂鳥歌
清韻似相酬

胡鉤

奉命直文華殿聞父病乞歸

貧守青氈拙有餘
敢云

聊初習依樣胡蘆
尚未如慚抱虛名
歸剡檄忍離
父病絕衣裾垂恩
乞放歸田里勝似
文華旁直廬

姜立綱

題畫

功名早已纔為衫
萬里青雲入笑譚
回首九峯天際碧
可能無夢到江南

陳茂烈

省墓還瑞安至仙巖

吾鄉山水介中州匹馬西風汗漫遊水木有懷仍樂土功名無

意付丹邱引裾當日情何切仰止斯人涕欲流擬借繩牀參夙契白雲回首未堪留

林彥

謝公亭

乘閒偶過中川寺孤嶼亭前落照時欲策枯藤尋往事好塵蒼蘚讀殘碑江涵北郭天初

霽草綠西堂夢已離惟有風流消不盡海天空闊鳥飛遲

王猷

隋堤曲

堤上春絲拂客舟堤邊煙雨暗荒坵當年羅綺歸何處只有邗溝水自流

邱一龍

江心卽事

百里潮平塔影雙羅浮飛翠上油幢一天雪意雲出心海兩岸梅花春渡江伏水蛟龍

聽畫角避寒鷗鷺出山篷窗漫言此夕擒元濟九首工八吳亦就降

虞書

讀楊椒山封事

天植忠貞金石堅上方請劔斬奸先孤臣肝膽能千古當代文章此一篇

自有鬼神加守

護不同碑碣冷荒煙夜窗讀罷焚香拜浩氣冲冲日月懸

胡渙

陪劉功允同守遊仙巖

解筴歸來二十秋名山日日臥中遊已無塵夢牽朱紱最

喜金樽對碧流下人上聚星期御李人間紆組快依劉他年若美日荷衣去再訪羊求松徑頭

秦激

登讀書臺

逶迤陟宗巘轉睇讀書臺當年悟參倚矢志忘往亦八晨襟滌梅雨夕陽聞潭雷伊人

不可見惆悵坐莓苔

蔡汝修

登西峴

曳杖登西峴，渾心世路諠。溼衣松翠落，度曲鳥聲繁。白首名石，累青山道自尊。一觴聊獨

酌宴坐
欲無言

徐一經

弔邑侯王十洲

乍出長安，海湄雙鳧初下。未周期，雉城俄頃，二三異駿骨風流。自一時

剡水無緣重泛雪，仙都有口春風處處瞻。棠蔭滿目襄隄

看騎箕
墮淚碑

蔡子鳳

湖上

霏微空翠溼，輕裘片出。蘆花逐水流，却有多情如范蠡。五湖風月一孤舟。

葉琳

贈王養素先生

高遯棲雲公，煙嵐翠遶門。陶琴尋古根，皎皎真懷抱。時時慎

藁存菘葵肥，小壠橘柚富。我品論物忘蕉覆，鹿術陋果

園聲利渾拋擲，溪山入猿紈。秋充家釀魚蝦贍

客煖玉梅光射牖綠竹秀踰垣野鶴同癯瘦孤鳶肆
奮騫五車馱最屬百畝足鷄豚靡老流風致巢山接
夢魂酒瓢翻月影吟屐碾苔痕釣渚鳧鷗狎丹爐龍
虎蟠東山老安石天下望深源晚節松楸勁雲陰梧
桂屯清修仰遺德文彩光龍孫

李維樾

謁卓忠貞公祠

遜國踐祚初扶桑始昭晰陽德云乍
亨彌綸日章臬公袖五色絲欲補山

龍闕便殿陳嘉謨幾先敷萌枿家令空綢繆賈生何
憤切帝運方屬燕閏紐垂已齧御楊倏焚如禁門幾
蹀血率土孰非臣旅進隨茅蕝固非公所能臨危甘
仗節回天力不任吠日聲難輟蘭隕芳未捐玉碎光
逾潔至今襄江濤悲風爲嗚咽神廟渙綸音精禋表
忠烈編摩錄遺文耿耿懸日月邑子拊餘芬焚香讀
苔碣溪毛薦芳鮮寒泉漱清冽

毛羽皇

歸舟渡錢塘

浪跡歸來又放船
短篷斜纜破江煙
尚憐殘篋徒緘淚
只有清風不費錢
夾岸

桃花猶半醉
蘼波楊柳已三眠
此身總為浮名誤
一過嚴灘一惘然

林增志

秋興四首

碧空如拭雨初乾
水冷蓮塘粉未殘
幾處聞鞦韆思猛士
何人作賦擅騷壇
相將北奮

鯤溟遠漸覺南飛雁
影寒傳道奎光今欲聚
中宵嘗傍玉河看
西風瑟瑟起堦除
正是游人感物初
夢裏一聲寒籜下
庭前片影綠槐疎
月因露浥光逾冷

雲值天高宇更虛
滿目蕭森堪託興
自憐詩思愧應徐
蕭蕭疎樹澹煙浮
幾度同驚帝里秋
視草每懷

唐學士清言寧羨晉
風流槐垂紫閣將
傳響蟬嘒青林可
療愁關塞何時馳
露布至尊應上望
英樓霜

落蒹葭憶楚汀
伊人相望隔滄溟
芙蓉山上雲初白

鸚鵡洲邊草尚青
何地高歌飛郢雪
誰家錦瑟引湘靈
舊遊自昔牽情思
兀對青宵引醪醕

鮑武

讀遜國臣紀風雨共黃昏殘編次第論材俱培聖祖

至今遙想像破涕擬招魂

李燦箕邑令字九深

清虛樓飛樓俯瞰銀河側手挾風濤意自得

童中璞

冬雷志感怪來天氣近差池電掣雷轟雨聚施月令

朝昏見臣子網常草野思自歎

李維華

泛錦湖聞警蕭瑟江城且送歸陡聞烽火照漁磯片

爭如僧臥穩鶴牀應恨客來稀何

潘氏

妻趙裕

聞纂修永安陳烈婦入實錄

載醮何如不醮難此心原與理俱安百年光景

愁中老一鏡風霜鬢底寒古井有泉應莫掬孤鴻無偶竟何干可憐一片空貞行纂入青編後世看

國朝

周茂源

字宿來

遊仙巖

紺殿高凌萬仞隱諸天相蒼藟

憑虛遠眺辨微茫娑羅樹分淨土香風細有聲聞寶

鐸月寒無夢到繩牀我今蠟屐同雲水投老何難住

朱彝尊

字錫鬯秀水人康熙鴻博授翰林院檢討

仙巖寺

咫尺仙巖寺雲峯

至轉親歸人

潘耒

字稼堂吳江人翰林院檢討

過訪天目和尚同觀梅雨龍鬚雷潭諸勝仙巖飛瀑天下雄溪

山第一書晦翁我浮扁舟溯新漲溪迴谷轉聞疎鐘

龐眉導師此卓錫芟除榛莽開琳宮相逢一笑如宿

契孤筇導客穿雲松危峯齧天虎牙豁怒瀑震地雷

車轟渴虹千尺挂天矯冰綃百幅懸瞳矐時隨迴颺

濺飛沫梅天小雨來濛濛更尋雷潭攀絕壁巖腹囊

剖中嵌空俯窺沉沉黑無底轉石下墜聲鏗砉遙看

白波落雲際龍鬚冉冉垂天風三潭境界各清絕冰

壺洗面雪澡胸我登雁山及玉甌已詫劃劃煩神工

不圖南遊復見此造物變幻無終窮禪師枯坐萬緣

息話到山水還飛翀選徧千山獨棲此詎那觀瀑將

無同一宿繩牀淨心魄朝來欲別愁匆

匆奇峯秀壑領不盡剪取匹練懸窗中

曹偉摹字次典嘉善人由詞林官按察使祖籍瑞安其

嘉善家焉康熙乙巳春公至瑞安因訪嘉興

鄉上曹莊謁祠省墓旋遊仙巖繫之以詩

遊仙巖攜筇訪道扣禪扃紺殿岩堯鎖翠屏半嶺泉

聲雲外白千峯黛色雨餘青毒龍聞咒能聽

法山鳥啣花亦解經欲向蒲
團參妙諦上方明月滿中庭

林齊鉉

東甌王墓

步出鹿城西疊嶂相連峙禾黍離秋風蒼
莽翔雄雉白楊跨斷橋欵乃冷煙水翹首

望孤墳巖然蔓草裏興言詢野老云是帝王子裂土
封東甌厥名曰搖姒越王驕姓孫七世延宗祀當時
誓帶礪爵圭錫弓矢助師誅嬴秦歸義滅項氏績偉
著百粵七閩澤福祉人生竟何常今古同歸死所存
惟功勲足以挂人齒

曾一轍

弔鄒烈士

欽堯捐生狗義惟君特傷心憑弔甌江
側雲排鮫室啟清宮月照遊魂歸澤國悠

悠一水任西東耿耿孤忠爭南北想
像芳踪何處尋歲寒常見青松色

王祚昌

阻亂不遂墓祭志泣

春露淹哀柏條枝未遂攀文章
埋兩世烽火隔千山親沒幽思

邈兒生福命慳長號
難假寐永夜淚潸潸

送邑令張公岳歸閩二首

黃沙漫野忽驚秋極目城
南一葉舟兩岸哭聲畱不

住白雲江水自悠悠
年乳哺情痛殺美人歸去後滿城夜夜鼓鼙聲

飄然兩袖拂風清忍擲當

林齊鐸

陪萬兵憲飲陳中祕宅賞瓶梅

清標如在玉堂中瘦
影相看酒不空分自

嶺頭香拂幌寄來隴上冷欺風人方何遜詩偏逸客
似元龍賦獨工安得琴尊長作侶漫隨短笛逐飛蓬

王會昌

峴山南望四首

青靄護山腰人境翛然遠一望遍林
臯莫分南北阮江流兩岸山漁燈

半明滅直欲駕小橈沽酒看素月
花散簷瓦科頭看落霞紫綠相上下

古樹拂雲霄疎
平楚帶澄江

隱隱村墟遠日暮起
炊煙迥出朱霞表

李 敷

謁陳止齋祠 落紅流景又何如寂寂茅堂春事餘千
古葵心惟向日百年忠膽見遺書清香

自可祀臣節白髮還堪引帝裾記
得消閒持釣處從容猶是舊時漁

吳世祿

過箕箒 苔徑迢迢獨往迴紅塵車馬此中稀山深籬
畔犬時吠水落溪邊僧自歸帶雪梅花開老

眼連雲松葉護柴扉西鄰婚
嫁多呼酒薄醉閒吟送夕暉

林居希

旅寓思親 南山有喬木枝葉並蔚森長風樹間起戚
戚生哀音哀音久不息動吾思親心容顏

不復見暗淚孰能禁風起有時息親去無處尋列鼎
憶仲由羊棗悲曾參風木有遺恨監古每傷今旅居

失節序遙
望白雲深

朱鴻瞻

濬河贈王二尹

安陽漢代一雄州
神人作宰規畫周
一街一渠棋枰似
清泉可汲且通舟

元冥氣盛祝融滅
錦水鍾人人亦傑
伏虎祠前懷遠
風舉蘋拜月中秋
節長利於今古不
如高者成陵卑
者淤王公松下輟
哦聲爰咨水利曰
在子惟時不雨
秋原槁公方齋宿
勤步禱謂爾廛居
不治疇乘時疎
濬待天潦千天雲
萃盡麾來尺寸分
排次第開石燕
未飛泉仰出須臾
雨注波瀾洞鑿耕
兩事均資力亦
有人愚不見德苟
矣旦夕類皆然持
柄無人幾被
惑君不見子產治
鄭誇先興去後方
知長相憶

林鴻道

仙巖

虎溪橋畔綠陰肥
一帶煙巒接翠微
山寂直教雲占住
松高時見鶴來依
河流浩渺浮杯渡
霄

漢飄飄卓錫飛拂
轉蓉花
明信片片坐餘永
日足忘機

胡濬

弔陳觀察

養兵十載竟如何臨難誰人荷一戈
惟有三山陳副使孤忠激烈壯山河

方思

弔陳憲副馬邑令殉節

正氣亘今古浩然塞蒼冥卓
哉文信國丹心照汗青君恩

既不負勁節貫星斗孤忠曠世聞
股肱儔帝簡巡東甌下車未匝歲
浪乘風至薄城掠且肆叛賊愛身
日腰橫金忍焉懷二心反顏事讎
心罔挫折滿腔血逾熱誓與城俱
令有馬公丹衷日月同一身謀綱
陽稱雙烈後先堪頡頏豈日戎令
拜儀芳型我哭淚交零報君能若
義心所結英魂應不滅氣可作山
把櫓槍截為讀正氣歌黯然聲悲咽

林青雲

謁周恭叔墓

劔履塵封不可追
芳山此日動長思
賢愚俯仰一杯土
伊洛淵源百世師
鴉噪

白楊當墓道
蟲書紫薛綴殘碑
停軍愧乏蘋蘩獻
春草秋花自歲時

望 乾清宮

高瞻紫禁瑞煙浮
曙色初開宿雨收
萬里河山歸鳳闕
九天日月照龍樓
長門

碧樹交仙仗
太液清波隱御舟
自是皇朝多樂事
草茅喜得覲神州

朱鴻增

林和靖祠

曾聞林處士
避世寄閒軀
鶴放亭猶在
梅開山不孤
晚鐘聲出谷
夜月影沉湖
十里

蘇堤上荒祠
又畫圖

淮陰侯釣臺

桐江淮水共悠悠
漢室曾遺兩釣邱
可惜功成身未退
輸他老子着羊裘

林邁涑

謁陳止齋祠

溪山翠聳正清秋
祇謁先生此繫舟
偉論東南推獨步
高風今古可誰儔
堂虛

俎豆淒荒草月冷松杉照敝裘佇
立有懷饒感慨烝嘗幾欲續前修

王成

陪周蓉湖學憲遊仙巖次韻

白雲紅樹影重重山谷
虛閒靜不封曲水流觴

仙子蹟書臺積翠古人踪烹茶喜汲梅潭水踏月
還看石徑松攬勝不知歸路晚秋元引我上高峯

胡璜

秋日偕錢少山登觀海亭

爽氣浮山雨乍收西風杖履
拉同遊世情已逐閒雲

去逸興還因勝地畱旅雁歸鴉爭晚照白蘋紅
蓼疊沙洲碧天無際連秋水擬共乘槎問斗牛

鍾洪名

登龍山

結架六峯下閒來即共登鳥呼林外客犬吠
澗邊僧松柏經寒暑滄桑感廢興日昏歸路

近籬落
隱疎燈

葬魯令公于龍山感賦

廉吏如公孰與儔東山埋玉足千秋已知雅化留棠蔭敢

擬深情並麥舟半嶺丹楓連鹿苑秋江明月照孤邱何期此地成同穴瞻仰能無涕泗流

公配余夫

林上梓

謁澗川陳文節墓

澗山高聳澗源深宰木森森萬壑陰何代麒麟留片石如公文字重

南金風清鄒魯寧云小道契張朱直至今拜罷自慚鄉後學搜羅殘缺費沉吟

同人公奠陳止齋祠

衣冠肅肅拜名祠峻節清風百世思自古溪山推第一得公巖

壑更稱奇人從翠壁尋幽入雲護檐阿出岫遲一瓊椒漿期歲薦希賢同志復何疑

吳慶雲

頌陳寧人明府禱雨有應

東南之地多崇山峯巒交錯似重關大羅特出峙其

間仰之彌高不可攀上有龍潭水潔鮮潭小堪容萬斛泉農今缺用愁無年相對禾枯欲涕漣賢侯朝夕

步禱心如燃詣潭請水志惟虔一雨三日忽綿延起
視郊原綠滿川霑足無分高下田塗歌巷舞盡歡然
恩波浩蕩渺無邊酬神復陟層崖巔
歌詩刊石意纏綿邑有賢侯永永傳

林元烟

題王氏山房

落紅滿地已成茵好趁春晴訪隱淪臥
柳垂溪難繫馬小橋濁木只通人換鵝

家習黃庭字立雪門延絳帳賓書
屋枕山仍帶水境幽飛不到紅塵

崖溪書屋

我愛崖溪似剡溪儼然圖畫若耶西雪融
綠長橋邊柳春暖黃飛花外鷗幽逕曲隨

藤蔓轉山齋高與白雲齊書聲
鎖在煙霞裏可有文章待品題

張為雋

別肇上三兄

宮槐花落秋夜冷殘月半簾星耿耿寒
蟬只管咽露鳴雲外西風分雁影坡老

知心惟卯君對牀有約思離羣劇憐一會一分手春
光寂寞傷劉蕢此恨匪自今伊始十八年來常如此

鳳城時共守庚申鹿野何堪憶甲子吾兄文名馳九
陌十載談經空奪席投間韓子髮蒼蒼猶勝書生頭
半白粵東浙西溪兩流相依予季寫離憂疎煙寒雨
長安路今日歸人何處無後夜江南望江北瞻望兄
兮心惻惻秋山淡遠秋
潭清到處相逢見顏色

周尚洛

觀海山房十首錄一西峴巖前漱碧泉半空寒翠
草籠煙源頭何處清如許歌罷滄浪枕石

眠

方飛鴻

紫霞山石刻峭壁嶙峋不可攀摩挲石刻蘚苔斑
紫霞覆處仙蹤渺古篆長畱絕巘間

李松筠

謁卓忠貞祠骨相生來貫日忠成仁就義自從容寧
甘三族歸華表恨少五兵銷夕烽騎虎

孝昭風雨夜徒薪識炳薊燕封眞
能不負朝廷養瞻拜殊欽間氣鍾

戈文炳

登鼇山閣

青嶂崇丹閣山靈接上台幾時鼇戴至猶
帶海濤來地欲隣三島人思睇九垓文垣

遙夜動輝
映讀書臺

胡夢梅

遊仙巖

召我春遊美景開汀蘭阮芷綠相催興隨輕
艇波中棹日送行雲寺裏來半壁曇光浮古

井一簾瀑水灑新梅溪山深
鎖禪林靜攬勝無嫌屐印苔

余學禮

自勉

無地亦無錐無米亦無竈君子貧至此不易生
平操我有屋三間可以禦寒燠我有書百卷可

以資教導兒能勤繕書妾能潔薦芼但不忘作苦力
田秋有報爲官宜清慎在野戒棄暴居貧無卑汚居

富無驕傲我且語
我兒人須思遠到

孫希旦

春日赴

圓明園

繡嶺開唐苑昆池表漢功省耕
騎返趨直百僚同茂樹連郊暗

流繞

殿通屬車瞻

豹尾新

入五雲中

觀心詩

亂氣膠膠擾擾餘試觀方寸自如如澄潭無
際涵諸象皎月流光滿太虛客感消除非外

捷主人閒暇且安居箇中妙
理誰能識便是人生而靜初

林露

過桃花嶺

衝曉籃輿嶺上行往來歲月已頻更山容
依舊青猶在鬢髮于今白漸生健僕相隨

能識路居人一見解呼名廿年
奔走忙何甚轉眼天台又問程

張鶴

送李曉亭師旋里四首之一

佩弦太急佩韋柔度量如公世罕儔展氏曾中

忘爾我褚公皮裏有陽秋經畚獨闡關閩祕仙侶同
欽李郭舟教澤正深歸思起浩然命駕別從游時

與郭曉山師
同掌教鐸

再過香積寺有感

再入招提境修篁已滿園昔年同至者今日幾人存日落風聲壯庭

空鳥語喧不堪塵
壁上猶有舊詩痕

余國鼎

雲江覆舟歎

江豚夜吼滄波底長江駭浪如山起傷哉數十同舟人一時都作波中鬼飛雲

古渡號通津來往無虛夕與晨宮設義渡濟行旅規
以多寡示所遵誰知法良轉滋弊舟子招招但取利

破船漏罅如膠舟截流載重等兒戲販夫賈客苦奔
波冒雨衝風如便過埠頭得錢生袖手爭舟紛擾誰

其呵維時庚子夏六月拍岸風濤何倉猝輕舟欲救
不得前瞪目江干空咄咄風定撈屍何處求可憐一

半逐東流家人遠至收殘骸突聲震天天為愁江頭
流水聲嗚咽似為後人戒覆轍生平縱欲輕波瀾聞
此亦應心膽裂橫空安得駕長橋南北無憂一水遙
秦皇已往誰鞭石海上神仙不可招萬頃茫茫慘人
目古今幾葬江魚腹長隄日
夕來悲風無數青燐鬼夜哭

余永森

英毅侯祠

驚濤曾駭浙東西獨抱孤城截海鯢壁壘
荷戈多義旅郊原拾戟奠遺黎居民歲暮

繁香火澤國秋高淨鼓鞞門外
江山供廟貌英姿猶見氣如霓

寄懷山左吳靜菴

文壇十載擅雄詞多難何堪隔歲
時廣柳人誰容季布南冠今已老

鍾儀秋風幾灑窮途淚岐路空懷故國
悲回首江南千里道霜前應恨雁來遲

過橫山木侍郎墓

荒冢風悲蔓草纏行人指點狀元
阡形廷尚誌如綸語系姓宜思端

木賢

墓堂無復拜雲仍斷碣誰將往事

徵藝士不堪耕叟至却移翁仲砌田塍

曾炳奎

遊本寂寺

古剎何年闢，花宮隱翠微。路從山郭入，雲傍石壇飛。曲徑寒泉冽，蒼苔蠟屐稀。閒遊

吾有句，畱待碧紗圍。

淨土寺

路自山椒入，逶迤到釋扉。斗然一峯列，寥闊四山圍。寶鼎檀煙裊，琉璃佛火輝。鐘聲猶未

息，暮靄轉霏微。

李先蓉

守庚申

香燼寶鴨篆，微煙寂坐清。宵守不眠若，待庚申防告罪。此心早已欲欺天。

戴信準

章恭毅祠

紛紛狐媚事，趨承儲位虛。懸足涕零坐，使

言無狀呼顛難教，目遽瞑畱得殘身。瞻舊主好將吾舌問盈庭。

江心卓忠貞祠

北師強悍抵雄關歎息孤臣血淚殷
首議徙封安廟祗翻因全愛墮河山

夷齊抗義持清節管魏遺生媿靦顏
風雨怒濤江上動時雷正氣在人間

金曉

松林漫興

跡寄松林遠市闔柴門雖設未曾關已無
車馬驚清夢自有琴書醒醉顏紅杏出牆

春事足白雲當戶野心閒幽人
終日澄懷坐愛聽泉聲落遠山

郁豫

陶山懷古

陶山山下訪仙蹤翠積丹臺第幾重未訊
郎中題御鳳虛傳宰相解醫龍山多雲氣

朝橫嶺樓撼濤聲夜聽松指點
花園遺故址人煙茆屋夕陽春

李崑

放翁亭詩

永嘉山水信秀特蠟屐遨遊溯謝客後得
渭南踵前修風流不讓蘇與白由來名宦

本才士唯有詩篇性所癖寂寞哦松一蕭齋醉白之
 堂草元宅詩成嘯傲凌滄洲賦瓢擔盈千卷累百雲
 紙擘兮芭蕉青墨華流兮芙蓉碧薰香不減班馬風
 分韻直奪李杜席至今人讀劔南詩爭說劔南才孔
 碩空亭兀立芳草深
 蕉丹荔黃神無斃



溫

[Faint bleed-through text from the reverse side of the page, including characters like '春', '山', '人', '詩', '讀', '劔', '南', '才', '孔', '碩', '空', '亭', '兀', '立', '芳', '草', '深', '蕉', '丹', '荔', '黃', '神', '無', '斃']

周清原

字蓉湖晉陵人浙江學政

遊仙巖寺二首之一

愛山恰喜得名山況有仙巖任
往還百尺寒泉飛絕壁四圍積

翠擁禪關心持半偈月初到座演三車石
不頑我叩花宮問真諦嶺頭遙指白雲間

陳世修

教諭海寧人

上珠山多卓姓人感賦

森森夏木鬱崇岡懷古躊躇
落照傍樓水百年留過所興

朝一士感飛章先幾可植宗臣節後死真從
故主亡談虎人人遺事熟江心祠廟久荒涼

陳永清

邑令四川人舉人

臥龍潭禱雨有應

永瑞之交大羅山東望海外渺百
蠻兩峯相對排天關中有臥龍潭

其間修鱗歷劫昇仙班離潛乘見誰能攀臥龍潭水
水澄鮮噴薄珠玉如湧泉已巳六月夏秋連早稻已
獲稱有年晚禾正資溉淪漣俄遭旱魃苦憂煎彌旬
不雨眉欲燃謂神可禱須心堅匪誠無緣誠有緣愛

惜茲潭聖水延不出三日響應焉油油作雲雲籠天
 大雨如注貫長川盈溝盈澮自盈田四顧郊原秀蔚
 然慰滿三農意便便婦子兒童歡後先憂者喜兮病
 者痊信神之靈靈無邊我來攝衣躡其巔以頌以禱
 伸綿聯刊此
 巖石永所傳

謁陳止齋公祠

勝蹟仙巖最英靈間氣畱名儒開一代此地遂千秋俎豆分廊廟文章燦

斗牛儼然森道
 範肅拜凜先猷

輓司訓章公客萃先生

八十身猶健傳經繼伏生立言堪不朽吾道為昌明詎料

文星暗偏令玉樹傾總
 唯今惘惘曷勝涕縱橫

春暮山行

石徑紆迴費陟攀春來事事盡相關風搖遠樹煙生渚水瀉清溪霧點山夾路

香拂拂一簑好雨意閑閑敦龐
 猶喜雷鄉曲為付村醪着醉顏

青溪

雲滿青溪花滿山道人家住水雲間
 黃庭讀罷唯烹石不是羲皇孰往還

章 昱

司訓字客
萃於潛人

大北陽四首

此地聊開敞名傳大北陽山居無別況
煙霧渺江鄉十里盤山頂星居數百

家有人都力作無戶不桑麻
煮蔬皆美味無酒亦
消愁悟得此中樂真同世外遊
到處民歡樂山深

靜不喧太平真世
界何必羨桃源

秦廷基

邑令字北山
漢軍舉人

訪陶隱居丹室

羅陽連峰紛莫數茲山獨以貞白著
重自南朝舊迹遺不辭登頓巖前路

古寺猶傳天寶間斷碑惜少交詞據老僧指點凍丹
室鶴駕依稀辨香炷在昔隱居號博學挂冠神武辭
榮遇三層閣上聽松風胡然跋涉蒙霜露真誥巖名
兩邑同憑誰細核圖經誤乃知神仙本茫昧山靈自
愛高賢附蕭梁事業竟何存輸他卷石千年慕我來
覽勝兼懷古神馬尻輪悟無住江流洶洶變朝昏湖
光黯黯飛鷗鷺莫問蓬萊
事偽真嶺上白雲多如故

耿學模

邑令四川人
辛巳進士

雒城寄懷四首

丁酉歲杪余自章安遷雒城諸君子
出餞贈言以勉以誦愧未答也長夏

寄懷得律句四首代柬志謝

臘酒辛盤憶別情東

風吹暖送行旌野梅晴雪桃花嶺竹馬春旗箬水城

琴鶴自安山邑小吏民終讓海疆誠豐湖問渡渾如

昨彈指韶光入夏清五載東甌觀政身不求苛酷

不求新幸逢盛世調風雨豈有真誠動鬼神匝

地桑麻看既富一庭花月未全貧長城自昔稱長雉

知否晴郊得雉馴心勞撫字愧循良治譜何能繼

壽昌瀛海汲深窮綬短驂騶行遠著鞭長傳來絳帳

無雙譽探得宮花第一香逝水歸雲風作便儘隨飛

夢到羅陽昨夜除書帶露垂萍浮匏繫及瓜期遮

畱重負攀轅計涼薄何當墮淚碑遷客三方仍舊秩

離情千里付新詩報瓊有句慚巴調落月空梁聽漏

遲

潘

輝

署司訓
湖州人

丁酉重九偕張約園倪玉亭步行登陶峯是日微

率成

雲影陶峯霽色開忽逢小雨溼莓苔扶筇有衝泥去把菊無人送酒來清茗接杯資笑語

風吹面少塵埃望中也作龍山會可得參軍入座同

黃徵肅

教諭字雨莊餘姚人乾隆丁酉選拔朝考一等丙午副貢

因公至海安所

計程經卅里一棹到江關穗得雙岐異靈從四面環風多知近海城古恰

疑山日暖巡簷久空林日影殷日高眠未起臥聽鳥綿蠻作吏原兼隱從公亦許閒烹茶頻檢點執筆

笑疎頑于役曾何補相期信宿還

曹文深

邑令字蔚叔廣西人舉人

聖井禱雨

并序乾隆五十六年秋瑞邑不雨五十日矣苗槁土坼阡隴吁歎徧干羣祠罔濟

或以聖井為言虔我步祈獲憫民望豈明能格幽抑神之愛人也爰綴短章以鑄冥貺炎燁溥新秋良

苗歎浸清憫此民所天冥求叩職司望切慰猶遲蒿
 日憂塵吏蠲潔禱神嶽懸磴盤空翠迅焱激天關重
 霧迷岑邃采入欵青琳昏盲我心悸龍穴空雨儲凝
 碧瓶可縋靈液出元局太陰戒趨侍雲車導號屏蜺
 旌擁仙吹霖霖衣履溼滂沛颯然至憶徵黃髮言允
 符禱枕記五日告沾足百室失愁頓始知姑射人鸞
 鶴足依庇餐霞飲沆瀣不茹腥臄媚庶幾至
 誠心慌惚通警欵聽罷樂胥謠雲間見鬼歸

陳

焯

署教諭字然圃
號無軒烏程人

題兩峯山人詩錄

渺渺江雲接海雲月明千里惜離羣
兩峯詩錄今方見一卷真同冰

雪文

侔色揣稱絕妙辭雕鐫肝腎有誰知
從今不數林和靖別具梅花六十詩

阿林保

號雨窗滿洲
人閩浙總督

于役瑞安縣題陸放翁亭

梅花曾詠舊祠堂說劍談詩悵渺茫
揮淚中原悲五

國行吟澤畔感三湘蘇公才調嗟誰賞
杜老心情祇自傷何事英雄趨晚路半閒
一律有文章放翁亭

在縣署內

譚正坤 署邑令號北溪廣東保昌人已酉拔貢

和阿制府題放翁亭詩原韻 千載循聲主簿堂偶懷笑傲歎微茫三帥入夢

恢京洛孤旅含愁弔楚湘史館三朝皆曾錄劔南一集半悲傷春秋責備惟賢者誰許南園有報章

寓行香院感事寄李達泉 行吟到處問桑麻老幼觀瞻笑語譁萬里清光遲皓

月夕陽殘照促歸鴉風雲聚散元無定氣味芝蘭豈有差一陣霜寒寒徹骨素心祇許嚼梅花

張德標 邑令字玉衡號望亭渭南人蔭生

奉和阿制府題放翁亭詩元韻 閑花小草遍祠堂名宦于今詎渺茫鑑曲

地猶風雅著雲江人尚藻蘋湘一官未了英雄願五國長懷陵寢傷幸遇宗工題品當貞珉千載煥篇章

王殿金 教諭號陸沙臨海人丙午舉人

和阿制臺題陸放翁亭詩原韻

緬懷簿領拜祠堂惆悵松亭夢渺茫贊治

曩時襄錦製薦馨此日采蘋湘人心自合千年祀公

黃徵父

司訓號平甫餘姚人

奉和阿制府題陸放翁亭詩原韻

曾傳仙吏佐琴堂

詩句蘇黃追李杜功名梁益歷衡湘湖山未遂英雄

志鸞鳳能無枳棘傷何幸節麾停小隊獨知心事寄

篇章誰訪書巢舊草堂鑑湖雲樹想蒼茫王師未

報山陵復家祭空教錡釜湘入短簿祠真意遠讀南

園記亦神傷自從哲匠工

題詠轉憶才名直寶章

主簿風流舊草堂數

殷從興

邑丞字起巖桐城人

和阿制府題陸放翁亭詩原韻

椽祠屋慨茫茫一官

寄跡棲仇覽萬首沉吟弔屈湘河北版圖如可復山

陰娛老亦何傷飛雲渡口畱詩句廿字清新憶短章

記

宋

陳傅良溫州學田記

郡校官有賜田自慶歷四年始於

之道備矣崇寧學制行郡各置博士弟子員費廣不
 繼用事者文飾過當至苛斂以贍之中間多故輒一
 切弛去往往所在凡校官所入不足以待學士之版
 直煥章閣司諫謝侯來守永嘉下車纔數月修墜緒
 平滯訟人用公和乃以其暇訪求里中士賓致之學
 又得公田民私以為利而不應令者歸于學有司闔
 郡驚歎方為吏者急他務不暇有學政侯顧獨加之
 意即相與請于博士李君求予文記之予固樂道乎
 此者也蓋宋士大夫之學亡慮三變起建隆至天聖
 明道間一洗五季之陋知鄉方矣而守故蹈常之習
 未化范子始與其徒抗之以名節天下靡然從之人
 人恥無以自見也歐陽子出而議論文章粹然爾雅
 軼乎魏晉之上久而周子出又落其華一本於六藝
 學者經術遂庶幾於三代何其盛哉則本朝人物之

所由衆多也予嘗求其故三君子者皆萃于東南若
 相次第然殆有天意而浸灌培植斯已勤矣雖後生
 晚進失其師傅自爲異同不務相扶持然要其消長
 皆關於興衰之數非細故也而議者但患官冗而舉
 子多厭薄而銷沮之之說滋甚吾州生長旁郡最有
 聞則亦每在數中侯於今如意爲政何足以言之是
 尤予所樂道者也而況李君之請乎侯名某邵
 武人李君名某廬陵人田若干畝著之碑陰

明

周大章儒學公田記

予讀易至頤聖人養賢以及萬民
 井田學校其法相濟凡名爲士者

皆不耕而皆有給無他營焉今之養賢者但借民力
 以養夫仕者已耳列于庠者郡四十人邑二十人外
 籛皆莫之予夫古人達則兼善窮則獨善兼善者固
 足以濟人利物獨善者亦足以激懦廉頗均之有及
 于民而惟於出者有資貧者略不爲之處聖人養賢
 不偏于一乎故議者每欲於學校立公田庶于養賢
 之道有藉瑞安地瀕海爲溫下邑士之貧者過半而
 儒學舊無公田予蒞茲土適當道委正疆界定賦役

乃率槩縣之老者履畝清丈溢出塗田之高阜者二百畝加耗田五十畝以防蕩析之虞悉歸儒學以為公田學校中貧不能葬者貧不能娶者貧而親老無資養者貧而有意外之變者貧而在學年久有學行者皆有給必眾論僉同母出于一人之好惡有餘則貯之母給貧而無檢者母給貧而有廩者母令生員承佃母令人役假貸母那移母出吝母繼富時主議者撫院海豐谷公中虛巡院古蘄周公禧督學憲副八閘鄭公雲瑩兵道憲副沁水韓公君恩守道少參滁陽邵公夢麟綜理郡伯豐城李公廷觀二守歸善李公大有分理則通守姑蘇劉公憲節推安福趙公格隨時經畫則縣丞東莞尹君沾主簿上饒李君思齊樂觀厥成則學諭盱眙林君莊司訓貴池陳君珂東魯劉君永固知縣周大章也吳江人

王叔果

永嘉人

新置止齋祠祭田記

吾甌多佳山水若雁蕩天台諸山多稱奇

秀然幽遠峻險游人鮮至惟瑞之仙巖濱湖而為平麓其奇峰峭壁陰壑飛泉又與雁蕩天台比勝宋名賢陳止齋先生讀書于此朱晦翁來訪相與吟弄風月題為溪山第一即其地也後人為建祠于寺右歲

祀先生久而寺荒祠圯祀事亦廢嘉靖甲寅吳門羽
 泉劉公來知瑞邑於仙巖諸景覽而悅之遂新正齋
 祠寺故有水碓十餘所後為鄉民所攘官因俾業碓
 者供祠祭比監司駐游以碓房囂雜損山水佳趣命
 拆諸碓乃以前祭屬寺僧僧貧不能辦顧典禮又不
 可廢萬歷癸酉安福西岳周公來蒞是邑遂更定其
 事以十八都塗田三十畝及原編本祠門子役銀一
 兩與原斷付寺止齋流齋園地五畝俱給寺僧為辦
 祭需而有司無煩絲粟焉周公嘗從東郭鄒先生游
 究心理學止齋參倚之說蓋可用訂證者茲祠而祀
 之亦考德問業意也此其事不可無紀也公
 名悠籍安福舉制科進士為江西世族云

仙巖記

永嘉之山惟大羅山最鉅磅礪數十里其西
 麓為仙巖乃天下二十六福地界永瑞二邑

境其寺建自唐貞觀僧慧通者後廢至宋富民陳七
 宅茲村忽聞地下有鐘鼓聲遂捨為寺時有僧安楞
 巖常騎虎出入號伏虎禪師大興法場宋儒陳止齋
 先生讀書其中朱晦翁亦常來遊大書溪山第一四
 字茲山三面環抱惟西口空內有小溪環繞梅潭水
 由此出外通大河往年可入小舟今沙石淤塞矣寺

前石坊舊額止鑑空伏虎二大字已失去今中書舍
人趙性魯直扁書仙巖橫扁書天下二十六福地田
石坊轉入爲虎溪橋覆以亭旁有繫虎石橋之南屹
然而聳者爲慧光塔昔傳有銀滿飛燈之異其東岬
列石幢十餘座故有僧舍名外庵今廢度橋而北則
止齋祠在焉乃瑞邑尹劉畿重建前有亭扁曰流芳
則寺僧道熹爲劉公作也祠後高峰數十尋翳以蘿
蔓望之鬱然爲積翠峰由止齋祠東行有沙門有佛
殿則國初鎮守內臣重建者甚宏偉歲久敝壞今漸
圖新焉而獅子峰臥象山則相爲環抱大殿東行數
十步熹上八新創一庵門扁叢林佳趣前爲方丈後
爲清虛樓樓後駢植花卉亭面之曰挹芳瑞平朱文
二令尹捐貲所構改曰超覽庵門外有亭相並坐其
中則雲峰森列予題曰參雲榭左方有舊庵東轉折
而北有門翼然懸晦翁所書溪山第一扁前行數十
步爲嘉樹臺以古榕樹根盤崖上重蔭交翠其下螿
石爲臺臺之東爲流觴亭亭八角水環繞流觴仍注
於池池周圍數十尋多植白蓮名曰白蓮池泰順歐
尹益資寺僧作亭池中而問名于予予命曰憩蓮出
流觴亭循崖北行躡級而上爲翠微嶺嶺側有石如

屏刻唐吏部侍郎姚揆銘嶺下俯見澄潭志載有三
 仙姑謁安禪師一語而悟入潭化去因以名潭前為
 仰止臺仰而望之則止齋讀書臺在焉臺表西崖高
 處有石如砥方數十丈旁鑿小石孟注水盥手則止
 齋舊蹟也由仰止亭北行乃入梅潭正路又折而東
 崖谷甚異有洞如室盤旋而通梅潭名通元洞洞之
 昔有亭少師張文忠公孚敬建名澤潤亭亭之前即
 梅雨潭潭之勝在此山為最四面巖壁削立瀑水飛
 洒潭中空濛若細雨然潭口兩巨巖相倚中開一空
 向背亂石堆塞今砌石為磯正面飛瀑名曰歎玉磯
 可列二桌坐數人在磯上對瀑如處竈門引首自內
 觀天也潭之四周崖壁奇絕昔傳有昇仙其上者為
 昇仙巖又有振玉亭在潭上近西與飛瀑相對乃今
 瑞邑余尹世儒新建越潭之東崖稍循澗高陟為三
 皇井煉丹井黃帝池其義未詳蓋幻迹云再上為雷
 潭深邃莫窺其底以巨石投之若雷鳴又有龍鬚潭
 在雷潭之上水循崖而下如懸布或以黃帝乘龍飛
 昇有鬚墮故名由潭西登則有白雲上方庵乃憲上
 人所構即伏虎禪師庵故址庵僅一楹望之如斗大
 而延賓禮佛入定各有其方至庖厠庫溷之屬亦罔

不備熹上人之經制巧矣初上人於此入定三年不出戶予命其生持仙巖寺始下山庵之上爲玉函潭去梅潭約二三里遊人率至此而返山漸高峻已爲仙巖絕境矣

周悠

邑令

新置卓公祠祭田記

我成祖文皇帝靖難之後追念死義諸臣能忠其職

歎曰使練子寧若在朕猶用之又曰我國家養士三十年不負其君惟卓敬耳猗歟休哉可以仰窺我成祖至仁無外之心矣及讀先達劉忠愍公所撰公傳不覺竦然興泣安得起公于九泉之下而爲之執鞭與萬歷改元恩詔下郡國訪求靖難死義諸臣遺事苗裔爲之褒表恤鑑余小子悠承乏公之鄉邑寧不有以愜予疇昔仰慕之思哉入境之初走謁公于祠下知祠之建草創于公論未定之先前令江陰高君賓祀公于治西觀德亭吾鄉先輩失君祀卽西峴山廢寺址爲祠三楹以祀公王君士翹改而拓之復構亭勒石于祠前置田十畝收社稷壇餘地租以供春秋俎豆隆慶六年冬祠毀于回祿前令上海杜君時登復因舊址建三楹以妥香火田則久湮于洪水地租亦稍漁汨而無徵余旣仰遵明詔訪公實行

及裔孫爾請于當道時巡臺萬安蕭公以其事覈諸督學歐寧滕公尋請于上命下會祀于省署之芝松坊公在十二公之首列矣其鄉邦宗祀牲牲莫供時薦弗備竊為司土愧焉乃于政暇檢覈侵漁地租每歲徵租銀若干兩及十八十九二都坎隱塗田一百八十畝籍其一百二十畝以供時祀三十畝給裔孫爾家以資家薦餘三十畝給止齋陳先生祠庶幾展守土一辦之誠而已田有町段有佃人約歲豐歉之中而定為歲額每畝歲徵銀一錢不聞上官不入稽查咸紀之石以備遺亡垂永遠云

王士翹邑瑞定縣治題名記

古之君子策名而仕未聞有所謂題名題名奚取爾

取其賢者一口師之其不賢者吾將內省焉此縣治題名意也瑞女元以前州縣更置本朝吳元年為州洪武二年復為縣縣治舊無題名碑王子士翹惕然曰數百年曠典將何觀焉爰稽往籍爰諏于邑父老斷自國初治于今即所知者題以次所不知者闕焉告諸僚友曲于龍賈子韶高子仁日若知題名之意乎諸凡記石者皆在此而為令為丞為簿為慰其賢若否殆居址可觀吾與諸君實附名焉其賢也將違而

稱之其一不賢也將詆而譽之後之是非乎今猶今之
是非乎昔不亦大可懼乎惡溼而下趨川與海此不
待中智以上能辨焉有令名而終之以恥不如無名
也製美流芳存乎其人願諸君相與勗之以無忘題
名意也諸君曰善
請志于石乃刻之

縣學科貢題名記

學校之建而專事于科貢題名可
乎然自國家以科目取士正人君

子多由此出學校之建而無事於科貢題名可乎夫
科有甲有乙皆科也貢有序有選皆貢也吾不以科
貢視科貢而以正人君子視科貢此科貢題名之不
可以己也且名者實之賓也君子非名之尚而惟實
之尚今瑞自制科至今登名於茲者不一其人其縮
綬而去為官也有匡乃辟福乃民者焉稱科貢也名
之榮也有不忠其君厲其民者焉忝科貢也名之辱
也亦有容容以養福泄泄以苟容上無益于國下無
濟于民者焉是不能為有亡亦與忝辱其名者等瑞
士尚監茲哉繼自今凡與於此者其思科貢之為正
人君子哉即或不得與于此亦思正人
君子之無遜于科貢哉故曰惟實之尚

季德基篋管書屋記

先子恥庵徵士生元延祐間幼從長民金先生游既長又從晦叔高

先生學舉子業明春秋易二經至正間方氏據有溫郡乃避地邑兩秀原溪口愛其秀勝搆樓居之日以事親讀書爲事旣而購得邵嶼宋時故家邵振閣遺書簡精要數千卷歸閉門數年讀之精思實踐多所造詣後遇山寇繹騷奉二親昇書以歸而家資悉委棄之未幾寇抵邑大掠而祖居迨別墅室廬盡燬唯篋管墳庵巋然獨存於是揭累居之書亦隨去度焉時德幾未及髫年先子指書謂曰吾處亂中財物無子遺僅以家口免所賴者書籍具存汝後成人當次第讀之而思克踐之然而先正有言積書與子孫子孫未必能讀今吾未能必汝之能讀也然吾見汝資稟有可讀之之理至於汝後有子亦非吾能逆覩也汝其念哉德幾退而識之不敢忘居無何括兵壓境先子預於墳山營大窖藏之懼兵有推埋者以爲財物發之書遂盡毀時先子僑居海濱聞之幾致狂易先妣寬以言曰書亡固可惜與其無能子讀之雖多奚益此子雖穉吾嘗口授以四書頗能強記如長進有志于學書尚可圖之未晚也何惑之甚自是先子

夢寐覺間而未嘗不泫然也先妣數數釋之內附後
先妣卽世而兵燹之餘家業蕩然德幾稍長日罷戶
門應酬夜撫殘編披誦賴先子高壽無恙在堂誨以
緒言而困學無成家庭之教內視慊然內附國朝洪
武初用薦者入京見太祖高皇帝于奉天門銓曹授
以侍從之職德幾以親老陞辭放歸田里明年先子
又以明經薦舉以引年辭歸越四載而沒德幾復秦
樞暨遷先妣耐于先隴之北乃置田以供祭祀廬于
庵之旁近爲藏修之所扁之曰篔簹書屋於乎吾篔
簹之山隆然而高其爲水也窈然而清仰而望之蔚
然爲雲沛然爲雨手澤所存志氣所在焄蒿膺蠻如
將見之其有不顧懷于茲乎况體魄之藏所邇乎况
生時釣遊於此乎或者謂其書旣亡已久名實弗稱
曰不然無書而有志用力或可致之惟名不立則無
以見志容詎知有溫柔敦厚之教以成才立德者耶
吾所以名舍者非惟誇虛名以銜世也惟欲子若孫
知先世以詩書之澤故能以獨繭之緒綿綿至今以
嘉賴後人也爲子孫者果能視此引之弗替聚書其
間勗而讀之由書而知種德由種德而有讀書之資
由讀書而致顯榮反覆相因其機冥合然後日擊道

存心修德立而長有書舍之名矣暗聖賢方冊載道
 之器也書之所在吉凶之成迹典禮之會通萃焉有
 志子孫舍是奚求焉傳曰君子多識前言往行以蓄
 其德此之謂也由此觀之書舍之存否吾家之廢興
 係焉其亦有所感也夫其亦
 有所感也夫故為記於壁間

秦激顯祐廟記

顯祐廟即靈惠廟故在十二都陶公尖
 社人因元季拓城郭有內外之限分香

火立廟于治西濟民橋下嘉靖己亥邑城火廟在延
 燎中社人復請于前令安福吾厓王公即西北隅淨
 上院廢址為廟以祀神廟左為蔡大宗祠右為豐積
 倉負山襟水火患可辟也以神有佑民顯功故社人
 不忘崇奉如此廟初草創規宇卑隘每邑侯下車展
 謁旱潦祈禱必躊躇四顧欲宏其制不克就至癸亥
 冬邑侯松陵朱公因民請遂捐俸先民廓其規宇始
 事以甲子季春九日落成于歲臘庚申視舊大改觀
 矣過者靡不起敬越萬歷癸亥邑侯周公至復資塗
 葺丹雘之費社人益幸神功之足以感人相率謁言
 紀其事按邑志神姓何名敏字虛中父朴母葉氏以
 宋元豐八年七月朔旦誕神于蘇公里異光燭幃帳

暨長驍勇好義慷慨多大略政和王辰八月八日蚤起與家人訣曰今上帝命吾司此土語畢即出門不知所向里人咸異之後有見其早夜乘虎出入者遂以為神立廟祀之往往著靈赫福善禍淫應天助順咸淳中勅賜廟額國朝正統間以陰兵劫贊殄滕寇自是有司敬事惟恪早潦祈禳多徵應則神之于民也亦有禦災捍患功社人以義祀之固宜而有司每加意焉夫亦為民以祈神之輔也與廟正殿三楹左右為廊廡前為中殿為廟門螭池引泉于門中清冽可盥繚以周垣蔭以佳木神之所棲遂為邑城勝槩云倡義督理則耆老蔡段也因并書之

壺山獅巖寨壁記

邑嘉嶼鄉壺山去城西南一百八十里許在山谷間其地寬廣里人

繁聚于中儉而勤穡穀粟錢帛所萃惟密邇閩括每鑛徒竊發海寇縱橫必覬盤據焉里人患之因地有獅巖山雄踞溪澗道隘不可登先是上有古觀一所可以避寇民恃為險正統戊辰閩括寇千餘入境不能害而去承平日久觀圯址存歲嘉靖王子海寇登劫遠邇震驚我邑侯吳門劉公先事築城開濠制械

練卒以防不測迨寇至被劔乃道內備既修下令鄉
 都俾各編保伍設險防禦莫不仰承德意舉行惟恪
 于是訪厥觀址將營壘壁愚民惜費沮之父老胡文
 軒輩諭家衆曰劉侯以天地父母之心為衆任力不
 避慮始之難乃能高城深池保障一邑寇至民無恐
 我輩僻處一方繁指千數不能體父母之心為同胞
 任其勞自外于天地者也遂計費出貲以勞先人里
 中感悅率力來借時邑丞雙山趙侯以公務入境捐
 俸助之不數月而壁成約高二丈址闊一丈五尺面
 闊九尺東西若干步南北若干步中為寨房二十餘
 區告竣于邑令題其扁曰獅巖寨越乙卯春閩聚強
 徒飛機入境聲勢可畏里人莫知所出悉奔寨壘老
 幼無慮萬數族別而區分之咸得厥所壯者各從保
 伍分禦險隘復會隣鄉之旅相為犄角于是賊知有
 備不敢犯里人無長幼賢愚沐侯恩共圖饒不朽胡
 氏子弟走告于激因請以言紀諸石激思仁人之澤
 其利至溥近而一時遠而百世感則不疾而速令則
 不行而至今侯以一人之心施諸一邑偽者輸誠暴
 者輸恭而無感勿率豈有他哉惟其仁而已矣仁故
 撫綏有方容保無外民之獲所安以思戴也豈直一

方已哉夫大海無潤謂涓涓之流為海固不可要其歸則同于海焉侯之德在壺山固大海之涓涓也今入為諫垣禪明后澤海隅汪洋浩瀚將無往弗被壺山之民其飲餘潤而興懷者歟激不敏沐侯德教為最深因重胡氏之知所感爰書其事於壁云

劉康社

永嘉人

仙巖觀梅雨潭瀑布記

予與友人周君王君以初十至仙巖

連日小雨比進艇天已小霽泊舟之際則大晴斜日在林萬山盡紫好風飄然長松濯濯予急趨梅雨潭觀瀑布瀑布稍壯愈於前四歲所觀矣而石所受瀑處猶稜稜自見水僅從數級中跌宕而下非能直瀉也予意猶未快連日晴連視之水乃益縮澀小雨則小壯然未復舊觀後數日大雨午餉山齋山如坐龍門上平遠之聲震耳意其奇而為雨千石後雨

少微乃賈壯往出松逕數武悲流易而嶒岷野水如海奇矣趨上山山不一再折水乃大奇蓋潭水所走虎溪道也水自潭下瀉行絕壁間峻滑洗暗不可窺既數十步乃得大徑平鋪如砥兩旁巖夾之勢稍昂於內內水急欲外趨外石抑之俯仰相爭涌雪沸金

三人狂呼稱快而為水聲所奪拍肩大語相顧哀爾
 無聞也快賞謹叫媿媿不能舍而遙望瀑布縹緲虹
 垂林際乃舍之而上天靜無風蘋末不動潭口草樹
 獨偃朴如壓則瀑水急下下未及受激波濺沫所鼓
 盪也予三人近前亦不得少立時予衣短衣躡雙屐
 意其為累乃悉捐去之科頃跣足攀藤蘿而往纔至
 洞口沫霧然如蒸口目不得開身搖搖焉幾為水風
 所吸匍匐從故道出登巔上漱玉亭視之亭俯下若
 井中去水二十仞而紛沫直迸高出數丈不知潭中
 作何狀其奇視下又倍蓰焉意極戀之而以水所淋
 漓如没人始上背膺
 皆治不可畱也遂歸

又觀瀑之次日雨已霽然水聲澎湃時時繞夢趨也
 爾日子方沐意欲晞髮焉而又慮其雨歇水微將
 失舊觀也乃披髮趨詣之至則增屹之聲如故而風
 水之所盪湧沫之所溢已衰於昨日矣洞口草樹亦
 稍稍作折腰態不至首拂地也予乃知其頗可入遂
 攀援而進顧須低項襟塞口鼻與湧霧相抵冒乃得
 進立瀑布下而猶未得張日觀也目大張則為沫水
 所激射僅僅少舉睫竊睨之霖霖滂滂翳障吾目境如

坐重幙觀積雪而金鉦鼙鼓數萬聲震於其傍瀑水
大數十圍奔走而下蕩決自如無敢撐拄齟齬之者
稜稜之石皆沒不見矣單衣流液髮濡濡如新沐予
蓋十餘詣而瀑之勝始盡時連日事登陟或跣行或
躡屐攀羅葛踞泥苔與水風力爭而目纔一快歸臥
山齋喘喘委頓顧自謂奇游勝賞把袂相慰勞無言
者疲

國朝

潘耒

吳江人
檢討

遊仙巖記

東甌諸山多連綿相屬惟大羅
山巍然時起枕海帶江別標靈

秀其西麓一支為仙巖道書所云天下第二十六福
地唐司空圖姚揆皆有銘宋陳止齋嘗讀書焉三潭
二井之勝聞天下余以六月初往遊泛一葉舟出郡
南門循溪而行

類江南至巖麓見古塔真雲林篁鬱茂則聖壽寺在
焉山門榜曰溪山第一乃朱晦翁書寺故唐刹有大
中時陀羅尼石幢尚完好殿宇久廢濟宗天目禪師
鼎新宏麗可容千僧為甌江首刹天公雲間人道風

高秀一見傾倒策杖道遊登翠微嶺夾道虬松千株
巖壁峻嶒削玉色如古銅出土俄見雙巖對聳巉嶮
窄峇類龍頰鯨牙飛瀑自其中出轟然注潭中高不
過數丈而石稜層折水數跌而下噴薄如散珠潭前
巨石圍之自石罅入立水際如在甕中寒風襲人飛
沫濛濛常若梅天細雨故名梅雨潭借水不甚壯未
盡其奇潭外石崖空中名通元洞崖背有亭曰尋壑
又一亭在西壁曰快亭皆與瀑對潭水溢出甚湍悍
股引爲水碓者三四其下流經三姑潭疏爲曲水作
亭臨之曰流觴高下錯落如圖畫也從快亭西上百
餘步有巖如屋爲止齋讀書臺又北上里許觀雷潭
石裂成澗屈曲如龍形上狹僅數尺而下嵌空廣三
四丈臨崖俯窺窅黑無底潭沉沉如玉缸盛油凝而
不動轉巨石投之聲鬱洪中久而後出砰訇作雷鳴
眞石破天驚矣龍鬚潭更在其上里許遙望匹練懸
空冉冉飛動日暮不得至返寺宿焉與天公露坐清
話夜分乃寢天公亦酷好山水聞余曾到雁湖爲之
色飛因言錢倉動石及仙姑洞石梁之勝余始有遊
南雁蕩意須還郡裏糧而行晨出寺右謁止齋詞過
王氏園數奇石屹立苔紋如古鐘鼎名積翠峰峰下

瀦泉為池臨池有樓翼然蓮葉田田楓杉交蔭休夏無宜於此者恨不能旬日畱過虎溪橋與天公珍重作別攝衣登舟一步一迴首也

周茂源

吳江人

重建仙巖聖壽禪寺記

蔥嶺以東王侯貴人泊凡橫目之眾

咸崇信西方聖人之教花氏宮綿互震旦不翅千百禪於茲矣永嘉禪宗歷稱最盛日月燈所四照迴溪復嶺間靡弗左鵬耆右雁王也仙巖為道書二十六福地刹昉於唐貞觀中後楞嚴安禪師住山伏虎又名伏虎禪林嗣景純瑤詵活石仲謀鑑空諸古德累賜紫衣有參史局著作者蘭奢高座豈不繩繩罔斲哉顧歲久臘深漸成傾圯近且娑羅卒萎香海為枯舊寮不存兩楹二三老苾芻難與猿鳥爭粒粟復挈軍持行耳時有盛衰事有興替世出世間皆所不免求夫建人天寶幢耀帝釋珠網紹墜緒啟鴻基者必福慧圓通道高行苦之人是賴天目大師雲間名家李氏子夙因再來幼即辭親受具參學未幾頓悟上乘哀然為臨濟裔孫天童嫡裔蓋久矣首淨名而推龍象焉瓶笠所至感慨係之謂吾釋子仰報佛恩當

具彌天法力而不辭苦難荒高山相原嶽筆路藍縷
 以誅荆棘豈必有國家者事乎然僅披一罽賓毳衲
 手操竹如意行游說法而效須達布金者日衆會寺
 廢址數易主而歸瑯琊王氏玉伯比部廉知為桑門
 故壤舉券還之師益擴其疆一切鳩工屬植培於貞
 觀之素從

本朝
 今上龍飛四載厥功告成先法堂次齋堂禪堂次方丈次

寮房次鐘樓次藏經閣次大殿次三門其他庖湏庫
 廡以至擇木館賓之舍無不櫛比塗茨堅甍綠垣誠
 哉紺宇聿新而叢林美備矣憶予待罪括蒼師嘗過
 訪偶題募引以作聚沙之助適龍泉一善信刊木三
 千章以獻雖僅充枿櫨之用殆權輿不可忘云茲予
 樂觀大成來謁師復與玉伯氏信宿維摩之室述厥
 工之次第與開士之異績屬予記之而其季今潤州
 司理又典氏傾月俸錢與龍藏至從此琳編貝葉光
 燭獅巖雷瀑之交不亦諸品無漏而覺悟無邊也哉
 若司徒兄弟聽高僧講毘曇經立解妙諦繼乃捨宅
 為寺僧彌法護遂稱迦葉金湯今比部與司李昆季
 豈遜司徒主簿得專美於前也耶又寺側有陳止齋

先生臺朱晦庵夫子嘗過而講道陳祠益不可問矣
師乃百廢具興不以爲無與我緇錫事而姑後諸斯
更貫徹三教而於大九州之內演化於不可
思議之域者也予雖不敏樂濡筆而爲之記

朱鴻瞻重建錦湖忠義廟記

忠義廟祀漢安鄉侯蔡公
始卽侯故第建於縣治側

後以崇福院廢基改爲之有司循祀典每歲中秋日
致祭報功德也
有明中葉吾里錦湖亦建廟於社稷
壇東見於邑志曰神行祠未詳也考明制命居民凡
百戶立里社壇祀土穀神倣古八蜡遺意里人聚會
言歡同井相親睦也製誠誓詞勸厥德糾厥失用比
閭族黨使鄉大夫帥之申以讀法例其於化民成俗
法至良也吾邑境考無壇址惟里各有廟名之曰地
主神蓋本里社壇意而通之者爾錦湖里故隸城內
忠義廟下後以地廣人稠倡議分建自爲一里社第
曰行祠已哉吾少長於斯習見里人歲時饋祀宴會
歡洽序少長明齒讓慶相歌患相恤士相摩以文農
相資以力其傳世久遠宛若一祖之孫一父之子有
事輒相與禱於神蓋吾里風俗之厚有如此者自經
兵燹吾嘗作悼里賦述仁風傷離黍每過之低徊不

能去康熙壬戌民居猶未復里老有念舊者謀曰吾
 儕散處他所情義不能相維繫如疇昔盍新神廟假
 歲事以敦好衆皆躋之者民徐士瑄首領其事鳩工
 於癸亥正月三日落成于次年之臘黝堊丹雘次第
 以施里人歡慶私幸重觀昇平記曰觀於鄉而知王
 道之易易吾里足以徵矣廟三楹兩廡後兩耳房前
 爲大門悉用前址而崇峻有加爰役予言鑿其事於
 石廟故合祀五顯帝宣靈王相傳始自唐光啟中奉
 勅至宋大觀中合祀今因之然門顏侯諡爵曰忠義
 稱地主神亦曰侯蓋不忘本始云侯事詳邑志忠義
 傳

薛儁聲邑令重建卓忠貞祠堂記

公在勝國革除之代沈
 幾浩氣耿耿烈烈前史

載綦詳矣郡邑乘纂編先輩傳珉類多委婉避忌而
 其撫拾稗說尤附會荒唐蔑足爲公重余自己亥拜
 瞻遺像只矮屋半間罔以妥侑靈爽詢之居人言祠
 經燹燬乃構堂而奠基云伊朔會辛癸歲叠歉民力
 未可用近余又量移肖形繪藻周垣列廡都未及且
 切竦於中旣而思之人之慕義誰勿如我尚待後之

有心者增緣踵事靡廢不與表忠訓良有裨名教非
淺鮮云爰銘之碣曰公之少年血不華色綱常仔
肩山竦截嶠嶠豈面凝脂曲鈎磬折中良誰昧燕王內
惰得罪祖宗訟言寤辟調劑有人黨禍寧烈叔姪一
家蝸鬪喋血茹常首迎側注冠凸縈勸謁陵慙德用
釋飼豬戀問作傳飾說紛紛王魏顏厚頰熱齊黃迂
庸捐軀何益正學英髻高皇心結十族報之天地鳴
咽公際明初魁亞名赫嫡並諸藩治安早策太孫
嗣位啟事條徹曲突徙薪患防焦額昊意攸歸建文
少決逐燕高飛噬臍曷迭君亡與亡其又庸惜廣孝
奚能肆厥殘孽朝衣東市衄藏化碧南鏐百煉罔隨
灰滅寶卮隳當罔掩瑜潔天理常存論定昭雪三百
年來禴祀無缺堂圯劫火茂稱妥悅我宰是邦景仰
曩哲啟土樹楹烏翬飛革懦立薄敦觀感憑藉後有
同心式擴斯設

章昱 司訓於平糶記 已巳春瑞安穀價昂甚糧銀一兩
潛人計穀九十斤而春米僅止四斗本

邑富戶居奇平陽富戶遏糶不審何入作俑以平等
之年歲而幻出大荒景像十日之內三昂其價窮民

惶惑市井怵怵於是巡憲關嚴飭富戶糶穀諄諄以減價為諭太守金親臨瑞邑面諭陳令及余亦諄諄以減價為詞余與陳令久以為憂者聞二公命議遂定余於二月三日遍歷城內外有穀之家諭以兩憲意一兩之價減去五分一石之穀加給五升計減不過十中之一所費不多而窮民受惠邑紳鮑鴻桂首先自認糶穀五百石眾皆踴躍次日陳公以名刺傳集富戶公議交相勸勉各自書名共有六千餘石之穀可供兩月之平糶於是照名排列照數分派即於二月中旬起復議定零星出糶不許出三錢外其每日糶穀之銀富戶即時收去猶恐其銀水有欺也用一牙人恐其號票無稽也用一書吏又恐其升斗不平也用一斗級恐其人多擁擠也用一地保在富戶收銀發穀絕無紛爭窮民銀到穀交不需守候陳令又逐日稽查親臨監視窮民深以為德富戶不以為怨六千之穀未完而麥已登場米價漸平矣是役也不過奉上帝意稍効微勞而貧富相安斯兵民攸賴可見司士者有實心斯有實政有實政斯有實惠及民古語信哉爰記之以待後賢

陳永清邑令為紳士建立司訓章公祠記

學必有師自古記之又曰得經

師易得人師難我國家重熙累洽久道化成作人

之盛直欲上掩乎棫樸菁莪漢唐以下罕匹焉而尤

加意于師儒之董率凡所以廣勵學宮振士氣正士

習者胥綱舉目張黜異端而崇聖學醇如也瑞安為

東甌名邑理學文章表表海內數百年於茲矣地濱

海山水錯雜土狹人稠力田服賈者無論已至澤於

詩書之秀良非得經師人師曷由鑑古知今親賢遠

佞能勝任而愉快耶紫水章先生諱昱字程伯號客

萃以明經來司訓于茲有道而能文積德而邃學躬

課博士弟子員一以晦庵白鹿洞學規為準其最號

喫緊者首敦倫次立品次器識次學問至文藝抑亦

次矣乃所自為功者下筆則千言立就講學則百喙

盡息漢唐之註疏宋人之經義敷宣娓娓不倦令諸

人士莫不以為如已所欲出各得其意以去此則所

謂經師者也夫其博聞強識敦善行而不怠襟懷溫

潤玉也氣宇冲融春也言不苟出則吐詞為經作必

由知則舉步為法不使子衿佻有城闕之傷惟務

芹藻變旂多君子之取此則所謂人師者也固宜六

年倡導邑人士盡知所嚮方經術湛深浮淺斥矣綱
 常維謹頑薄遠矣文學正始謬種息矣諸所為振士
 氣正士習綱舉目張黜異端而崇聖學醇如者非先
 生以人師兼經師其孰克當此勝任而愉快哉若修
 邑誌之相與有成為功不朽更難縷述矣先生年今
 八十尚矍鑠殆所謂神完而守固者詎體一違和白
 玉樓成遂赴修文之詔嗚呼已矣人如先生雖死猶
 生矣邑紳士重失此人師經師不勝西州之慟思有
 以垂其教澤於無窮因鳩工庀材構祠堂而祀焉走
 余為之記余固不文然思先生之行誼文章為今人
 所難即古人中亦不數數觀又以見我邑紳士
 之勵名檢尚淳厚均堪垂之不朽也於是乎記

黃徵父

司訓餘

忠義廟記

夫聖人之制祭祀也以死勤

能禦大災則祀之能捍大患則祀之然其所謂勤事
 定國禦災捍患者豈必膺屏藩於異地剖符竹於殊
 方而後見哉即在父母之邦亦無不可以父母斯民
 為已任矣瑞邑忠義廟神姓蔡諱敬則邑人也當靈
 帝光和間以孝廉為南陽令旋棄宮歸建安中起義
 兵捍寇授本地東部都尉築城郭以衛民建縣署以

聽政是神之大有造於瑞人也顧或有不能無疑者
昔子路為蒲宰與民修溝瀆予民一飯食壺漿孔子
止之曰爾以民餓可以告君發廩而私饋之是不明
君之惠而見爾之德也由此觀之神之所行殆與聖
人之言有異指也雖然時有常有變道有經有權有
非常之士然後有非常之功故曰非常之原黎民懼
焉唯神有通權達變之才斯有此勤事定國禦災捍
患之大功盛德必百世祀豈偶然哉世之身為民牧
關冗溺職而置民瘼於度外者聞神忠義之風其亦
可以少愧矣廟向有行略刊本今已殘缺戴君雨村
與同人謀重梓之而徵文於余余觀其事實顛末而
歎忠義廟之有合於祭法所載也爰為之記述以誌
景仰

云爾

賈正由

署邑令

重修雲渡北片馬道碑記

瑞之邑雲

南門外數武即為飛雲渡北岸之馬道焉路闊八丈
五寸長三十丈蓋南北之要衝浙閩之通道也第歲
久石損潮迴泥濘肩負行人皆苦之余于丁卯秋攝
篆斯邑因公往來其間見舢艫雲集商賈居民雜沓

爭渡鰲石顛躓不一而足余惻然有修築之意紳耆
 李錦瀾等旋以呈請余深嘉之捐俸以助并勸諭屬
 邑士民暨經過商賈隨分輸將幸志孚人和踴躍樂
 輸因購長闊石塊擇日興工此蓋丁卯重陽秋後事
 也或謂余曰洪波巨浸中潮平路沒入水數丈工力
 浩繁余曰有志竟成必有勉為之者適仲冬張公差
 竣回任余卸篆及戊辰春初余赴杭時而馬道工程
 甫一半茲夏杪有友自瑞晉省語余曰所歷關津馬
 道而平坦堅固無如新修飛雲渡之北岸且備述邑
 侯張公于濬河修志外復捐俸督率首事其功不日
 告成是舉也易歎側為坦平行者無驚趨者無負
 擔者行且歌于塗矣余方欣羨不已而董事郵寄書
 至欲仿古舊制于岸旁豎立牌坊索余書飛雲渡三
 字于額并囑為記余嘉董事之樂成尤感張公之善
 全斯舉也

爰為記

瑞安縣志卷九上

五

温河市 湖 文 院

溫州府志